

פעמים ויברך אתכם כאשר דבר לכם¹² איכה אשא לבדי טרחכם ומשאכם וריבכם¹³ הבו לכם אנשים חכמים ונבנים וידעים לשבטיכם ואשימם בראשיכם¹⁴ ותענו אתי ותאמרו טוב הדבר אשר דברת לעשות¹⁵ ואקח את ראשי שבטיכם אנשים חכמים וידעים ואתן אתם ראשים עליכם שרי אלפים ושרי מאות ושרי חמשים ושרי עשרת ושטרים לשבטיכם¹⁶ ואצוה את שפטיכם בעת ההוא לאמר שמע בין אחיכם ושפטתם צדק בין איש ובין אחיו ובין גרו¹⁷ לא תכירו פנים במשפט כקטן כגדל תשמעון לא תגורו מפני איש כי המשפט לאלהים הוא והדבר אשר יקשה מכם תקרבון אלי ושמעתיו¹⁸ ואצוה אתכם בעת ההוא את כל הדברים אשר תעשון¹⁹ ונסע מחרב ונלך את כל המדבר הגדול והנורא ההוא אשר ראיתם דרך הר האמרי כאשר צוה יהוה אלהינו אתנו ונבא עד קדש ברנע²⁰ ואמר אלכם באתם עד הר האמרי אשר יהוה אלהינו נתן לנו²¹ ראה נתן יהוה אלהיך לפניך את הארץ עלה רש כאשר דבר יהוה אלהי אבתיך לך אל תירא ואל תחת²² ותקרבון אלי כלכם ותאמרו נשלחה אנשים לפנינו ויחפרו לנו את הארץ וישבו אתנו דבר את הדרך אשר נעלה בה ואת הערים אשר נבא

Deuteronomy

דברים

1 אלה הדברים אשר דבר משה אל כל ישראל בעבר הירדן במדבר בערבה מול סוף בין פארן ובין תפל ולבן וחצרת ודי זהב² אחד עשר יום מחרב דרך הר שעיר עד קדש ברנע³ ויהי בארבעים שנה בעשתי עשר חדש באחד לחדש דבר משה אל בני ישראל ככל אשר צוה יהוה אתו אלהם⁴ אחרי הכתו את סיחן מלך האמרי אשר יושב בחשבון ואת עוג מלך הבשן אשר יושב בעשתרת באדרעי⁵ בעבר הירדן בארץ מואב הואיל משה באר את התורה הזאת לאמר⁶ יהוה אלהינו דבר אלינו בחרב לאמר רב לכם שבת בהר הזה⁷ פנו וסעו לכם ובאו הר האמרי ואל כל שכניו בערבה בהר ובשפלה ובנגב ובחוף הים ארץ הכנעני והלבנון עד הנהר הגדל נהר פרת⁸ ראה נתתי לפניכם את הארץ באו ורשו את הארץ אשר נשבע יהוה לאבותיכם לאברהם ליצחק וליעקב לתת להם ולזרעם אחריהם⁹ ואמר אלכם בעת ההוא לאמר לא אוכל לבדי שאת אתכם¹⁰ יהוה אלהיכם הרבה אתכם והנכם היום ככוכבי השמים לרב¹¹ יהוה אלהי אבותכם יסף עליכם ככם אלף

הארץ הטובה אשר נשבעתי לתת
 לאבותיכם³⁶ זולתי כלב בן יפנה הוא
 יראנה ולו אתן את הארץ אשר דרך בה
 ולבניו יען אשר מלא אחרי יהוה³⁷ גם בי
 התאנף יהוה בגללכם לאמר גם אתה לא
 תבא שם³⁸ יהושע בן^{pQ} נון העמד לפניך
 הוא יבא שמה אתו חזק כי הוא ינחלנה
 את ישראל³⁹ וטפכם אשר אמרתם לבז
 יהיה ובניכם אשר לא ידעו היום טוב ורע
 המה יבאו שמה ולהם אתננה והם
 יירשוה^{pQ} ואתם פנו לכם וסעו
 המדברה דרך ים סוף⁴¹ ותענו ותאמרו
 אלי חטאנו ליהוה אנחנו נעלה ונלחמנו
 ככל אשר צונו יהוה אלהינו ותחגרו איש
 את כלי מלחמתו ותהינו לעלת
 ההרה⁴² ויאמר יהוה אלי אמר להם לא
 תעלו ולא תלחמו כי אינני בקרבכם ולא
 תנגפו לפני איביכם⁴³ ואדבר אליכם ולא
 שמעתם ותמרו את פי יהוה ותזדו ותעלו
 ההרה⁴⁴ ויצא האמרי הישב בהר ההוא
 לקראתכם וירדפו אתכם כאשר תעשינה
 הדברים ויכתו אתכם בשעיר עד
 חרמה⁴⁵ ותשבו ותבכו לפני יהוה ולא
 שמע יהוה בקלכם ולא האזין
 אליכם⁴⁶ ותשבו בקדש ימים רבים כימים
 אשר ישבתם

אליהן²³ וייטב בעיני הדבר ואקח מכם
 שנים עשר אנשים איש אחד
 לשבט²⁴ ויפנו ויעלו ההרה ויבאו עד נחל
 אשכל וירגלו אתה²⁵ ויקחו בידם מפרי
 הארץ ויורדו אלינו וישבו אתנו דבר
 ויאמרו טובה הארץ אשר יהוה אלהינו
 נתן לנו²⁶ ולא אביתם לעלת ותמרו את
 פי יהוה אלהיכם²⁷ ותרגנו באהליכם
 ותאמרו בשנאת יהוה אתנו הוציאנו
 מארץ מצרים לתת אתנו ביד האמרי
 להשמידנו²⁸ אנה אנחנו עלים אחינו
 המסו את לבבנו לאמר עם גדול ורם
 ממנו ערים גדלת ובצורת בשמים וגם בני
 ענקים ראינו שם²⁹ ואמר אלכם לא
 תערצון ולא תיראון מהם³⁰ יהוה אלהיכם
 ההלך לפניכם הוא ילחם לכם ככל אשר
 עשה אתכם במצרים לעיניכם³¹ ובמדבר
 אשר ראית אשר נשאך יהוה אלהיך
 כאשר ישא איש^{pQ} את בנו בכל הדרך
 אשר הלכתם עד באכם עד המקום
 הזה³² ובדבר הזה אינכם מאמינם ביהוה
 אלהיכם³³ ההלך לפניכם בדרך לתור
 לכם מקום לחנתכם באש לילה לראתכם
 בדרך אשר תלכו בה ובענן
 יומם³⁴ וישמע יהוה את קול דבריכם
 ויקצף וישבע לאמר³⁵ אם יראה איש
 באנשים האלה הדור הרע הזה את

Q Marks a place where we agree with BHQ against BHS in reading L.

p We read punctuation in L differently from BHS.

Q Marks a place where we agree with BHQ against BHS in reading L.

p We read punctuation in L differently from BHS.

Q Marks a place where we agree with BHQ against BHS in reading L.

p We read punctuation in L differently from BHS.

ועברו לכם את נחל זרד ונעבר את נחל זרד¹⁴ והימים אשר הלכנו מקדש ברנע עד אשר עברנו את נחל זרד שלשים ושמנה שנה עד תם כל הדור אנשי המלחמה מקרב המחנה כאשר נשבע יהוה להם¹⁵ וגם יד יהוה היתה במם להמם מקרב המחנה עד תמם¹⁶ ויהי כאשר תמו כל אנשי המלחמה למות מקרב העם¹⁷ וידבר יהוה אלי לאמר¹⁸ אתה עבר היום את גבול מואב את ער¹⁹ וקרבת מול בני עמון אל תצרם ואל תתגר במם כי לא אתן מארץ בני עמון לך ירשה כי לבני לוט נתתה ירשה²⁰ ארץ רפאים תחשב אף הוא רפאים ישבו בה לפנים והעמנים יקראו להם זמזמים²¹ עם גדול ורב ורם כענקים וישמידם יהוה מפניהם ויירשם וישבו תחתם²² כאשר עשה לבני עשו הישבים בשעיר אשר השמיד את החרי מפניהם ויירשם וישבו תחתם עד היום הזה²³ והעוים הישבים בחצרים עד עזה כפתרים היצאים מכפתור השמידם וישבו תחתם²⁴ קומו סעו ועברו את נחל ארנן ראה נתתי בידך את סיחן מלך חשבון האמרי ואת ארצו החל רש והתגר בו מלחמה²⁵ היום הזה אחל תת פחדך ויראתך על פני העמים תחת כל השמים אשר ישמעון שמעך ורגזו וחלו מפניך²⁶ ואשלח מלאכים ממדבר קדמות

2 ונפן ונסע המדברה דרך ים סוף כאשר דבר יהוה אלי ונסב את הר שעיר ימים רבים² ויאמר יהוה אלי לאמר³ רב לכם סב את ההר הזה פנו לכם צפנה⁴ ואת העם צו לאמר אתם עברים בגבול אחיכם בני עשו הישבים בשעיר וייראו מכם ונשמרתם מאד⁵ אל תתגרו במם כי לא אתן לכם מארצם עד מדרך כף רגל כי ירשה לעשו נתתי את הר שעיר⁶ אכל תשברו מאתם בכסף ואכלתם וגם מים תכרו מאתם בכסף ושתיתם⁷ כי יהוה אלהיך ברכך בכל מעשה ידך ידע לכתך את המדבר הגדל הזה זה ארבעים שנה יהוה אלהיך עמך לא חסרת דבר⁸ ונעבר מאת אחינו בני עשו הישבים בשעיר מדרך הערבה מאילת ומעצין גבר⁹ ונפן ונעבר דרך מדבר מואב⁹ ויאמר יהוה אלי אל תצר^U את מואב ואל תתגר במם מלחמה כי לא אתן לך מארצו ירשה כי לבני לוט נתתי את ער ירשה¹⁰ האמים לפנים ישבו בה עם גדול ורב ורם כענקים¹¹ רפאים יחשבו אף הם כענקים והמאבים יקראו להם אמים¹² ובשעיר ישבו החרים לפנים ובני עשו יירשום וישמידום מפניהם וישבו תחתם כאשר עשה ישראל לארץ ירשתו אשר נתן יהוה להם¹³ עתה קמו

U We agree with both BHS 1997 and BHQ on an unexpected reading.

אל סיחון מלך חשבון דברי שלום
 לאמר²⁷ אעברה בארצך בדרך בדרך
 אלך לא אסור ימין ושמאול²⁸ אבל בכסף
 תשברני ואכלתי ומים בכסף תתן לי
 ושתיתי רק אעברה ברגלי²⁹ כאשר עשו
 לי בני עשו הישבים בשעיר והמואבים
 הישבים בער עד אשר אעבר את הירדן
 אל הארץ אשר יהוה אלהינו נתן
 לנו³⁰ ולא אבה סיחון מלך חשבון העברנו
 בו כי הקשה יהוה אלהיך את רוחו ואמץ
 את לבבו למען תתו בידך כיום
 הזה ׀ ויאמר יהוה אלי ראה
 החלתי תת לפניך את סיחון ואת ארצו
 החל רש לרשת את ארצו³² ויצא סיחון
 לקראתנו הוא וכל עמו למלחמה
 יהצה³³ ויתנהו יהוה אלהינו לפנינו ונד
 אתו ואת בניו ואת כל עמו³⁴ ונלכד
 את כל עריו בעת ההוא ונחרם את כל
 עיר מתם והנשים והטף לא השארנו
 שריד³⁵ רק הבהמה בזונו לנו ושלל
 הערים אשר לכדנו³⁶ מערער אשר על
 שפת נחל ארנן והעיר אשר בנחל ועד
 הגלעד לא היתה קריה אשר שגבה ממנו
 את הכל נתן יהוה אלהינו לפנינו³⁷ רק
 אל ארץ בני עמון לא קרבת כל יד נחל
 יבק וערי ההר וכל אשר צוה יהוה
 אלהינו

3 ונפן ונעל דרך הבשן ויצא עוג מלך

U We agree with both BHS 1997 and BHQ on an unexpected reading.

אלהיכם הוא הנלחם לכם ²³ ואתחנן
אל יהוה בעת ההוא לאמר ²⁴ אדני יהוה
אתה החלות להראות את עבדך את
גדלך ואת ידך החזקה אשר מי אל
בשמים ובארץ אשר יעשה כמעשיך
וכגבורתך ²⁵ אעברה נא ואראה את
הארץ הטובה אשר בעבר הירדן ההר
הטוב הזה והלבנון ²⁶ ויתעבר יהוה בי
למענכם ולא שמע אלי ויאמר יהוה אלי
רב לך אל תוסף דבר אלי עוד בדבר
הזה ²⁷ עלה ראש הפסגה ושא עיניך ימה
וצפנה ותימנה ומזרחה וראה בעיניך כי
לא תעבר את הירדן הזה ²⁸ וצו את
יהושע וחזקהו ואמצהו כי הוא יעבר לפני
העם הזה והוא ינחיל אותם את הארץ
אשר תראה ²⁹ ונשב בגיא מול בית
פעור פ

4 ועתה ישראל שמע אל החקים ואל
המשפטים אשר אנכי מלמד אתכם
לעשות למען תחיו ובאתם וירשתם את
הארץ אשר יהוה אלהי אבותיכם נתן
לכם ² לא תספו על הדבר אשר אנכי
מצוה אתכם ולא תגרעו ממנו לשמר את
מצות יהוה אלהיכם אשר אנכי מצוה
אתכם ³ עיניכם הראת את אשר עשה
יהוה בבעל פעור כי כל האיש אשר הלך
אחרי בעל פעור השמידו יהוה אלהיך
מקרבו ⁴ ואתם הדבקים ביהוה אלהיכם

³ ויתר הגלעד וכל הבשן ממלכת עוג
נתתי לחצי שבט המנשה כל חבל הארגב
לכל הבשן ההוא יקרא ארץ
רפאים ¹⁴ יאיר בן מנשה לקח את כל
חבל ארגב עד גבול הגשורי והמעכתי
ויקרא אתם על שמו את הבשן חות יאיר
עד היום הזה ¹⁵ ולמכיר נתתי את
הגלעד ¹⁶ ולראובני ^U ולגדי נתתי מן
הגלעד ועד נחל ארנן תוך הנחל וגבל ועד
יבק הנחל גבול בני עמון ¹⁷ והערבה
והירדן וגבל מכנרת ועד ים הערבה ים
המלח תחת אשדת הפסגה
מזרחה ¹⁸ ואצו אתכם בעת ההוא לאמר
יהוה אלהיכם נתן לכם את הארץ הזאת
לרשתה חלוצים תעברו לפני אחיכם בני
ישראל כל בני חיל ¹⁹ רק נשיכם וטפכם
ומקנכם ידעתי כי מקנה רב לכם ישבו
בעריכם אשר נתתי לכם ²⁰ עד אשר יניח
יהוה לאחיכם ככם וירשו גם הם את
הארץ אשר יהוה אלהיכם נתן להם
בעבר הירדן ושבתם איש לירשתו אשר
נתתי לכם ²¹ ואת יהושוע צויתי בעת
ההוא לאמר עיניך הראת את כל אשר
עשה יהוה אלהיכם לשני המלכים האלה
כן יעשה יהוה לכל הממלכות אשר אתה
עבר שמה ²² לא תיראום ^{vQ} כי יהוה

U We agree with both BHS 1997 and BHQ on an unexpected reading.

Q Marks a place where we agree with BHQ against BHS in reading L.

v We read one or more vowels in L differently from BHS.

אתם עברים שמה לרשתה¹⁵ ונשמרתם
מאד לנפשתיכם כי לא ראיתם כל תמונה
ביום דבר יהוה אליכם בחרב מתוך
האש¹⁶ פן תשחתון ועשיתם לכם פסל
תמונת כל סמל תבנית זכר או
נקבה¹⁷ תבנית כל בהמה אשר בארץ
תבנית כל צפור כנף אשר תעוף
בשמים¹⁸ תבנית כל רמש באדמה תבנית
כל דגה אשר במים מתחת לארץ¹⁹ ופן
תשא עיניך השמימה וראית את השמש
ואת הירח ואת הכוכבים כל צבא השמים
ונדחת והשתחווית להם ועבדתם אשר
חלק יהוה אלהיך אתם לכל העמים תחת
כל השמים²⁰ ואתכם לקח יהוה ויוצא
אתכם מכור הברזל ממצרים להיות לו
לעם נחלה כיום הזה²¹ ויהוה התאנף בי^U
על דבריכם וישבע לבלתי עברי את
הירדן ולבלתי בא אל הארץ הטובה אשר
יהוה אלהיך נתן לך נחלה²² כי אנכי מת
בארץ הזאת אינני עבר את הירדן ואתם
עברים וירשתם את הארץ הטובה
הזאת²³ השמרו לכם פן תשכחו את
ברית יהוה אלהיכם אשר כרת עמכם
ועשיתם לכם פסל תמונת כל אשר צוץ
יהוה אלהיך²⁴ כי יהוה אלהיך אש אכלה
הוא אל קנא פ
²⁵ כי תוליד בנים ובני בנים ונושנתם
בארץ והשחתם ועשיתם פסל תמונת כל

חיים כלכם היום⁵ ראה למדתי אתכם
חקים ומשפטים כאשר צוני יהוה אלהי
לעשות כן בקרב הארץ אשר אתם באים
שמה לרשתה⁶ ושמרתם ועשיתם כי הוא
חכמתכם ובינתכם לעיני העמים אשר
ישמעון את כל החקים האלה ואמרו רק
עם חכם ונבון הגוי הגדול הזה⁷ כי מי גוי
גדול אשר לו אלהים קרבים אליו כיהוה
אלהינו בכל קראנו^{pQ} אליו⁸ ומי גוי גדול
אשר לו חקים ומשפטים צדיקים ככל
התורה הזאת אשר אנכי נתן לפניכם
היום⁹ רק השמר לך ושמר נפשך מאד
פן תשכח את הדברים אשר ראו עיניך
ופן יסורו מלבבך כל ימי חייד והודעתם
לבניך ולבני בניך¹⁰ יום אשר עמדת לפני
יהוה אלהיך בחרב באמר יהוה אלי
הקהל לי את העם ואשמעם את דברי
אשר ילמדון ליראה אתי כל הימים אשר
הם חיים על האדמה ואת בניהם
ילמדון¹¹ ותקרבו ותעמדון תחת ההר
וההר בער באש עד לב השמים חשך ענן
וערפל¹² וידבר יהוה אליכם מתוך האש
קול דברים אתם שמעים ותמונה אינכם
ראים זולתי קול¹³ ויגד לכם את בריתו
אשר צוה אתכם לעשות עשרת הדברים
ויכתבם על שני לחות אבנים¹⁴ ואתי צוה
יהוה בעת ההוא ללמד אתכם חקים
ומשפטים לעשתכם אתם בארץ אשר

U We agree with both BHS 1997 and BHQ on an unexpected reading.

Q Marks a place where we agree with BHQ against BHS in reading L.

p We read punctuation in L differently from BHS.

עוד מלבדו^{U 36} מן השמים השמיעך את קלו ליסרך ועל הארץ הראך את אשו הגדולה ודבריו שמעת מתוך האש³⁷ ותחת כי אהב את אבתיך ויבחר בזרעו אחריו ויוצאך בפניו בכחו הגדל ממצרים³⁸ להוריש גוים גדלים ועצמים ממך מפניך להביאך לתת לך את ארצם נחלה כיום הזה³⁹ וידעת היום והשבת אל לבבך כי יהוה הוא האלהים בשמים ממעל ועל הארץ מתחת אין עוד⁴⁰ ושמרת את חקיו ואת מצותיו אשר אנכי מצוך היום אשר ייטב לך ולבניך אחרריך ולמען תאריך ימים על האדמה^Q אשר יהוה אלהיך נתן לך כל הימים פ

⁴¹ אז יבדיל משה שלש ערים בעבר הירדן מזרחה שמש⁴² לנס שמה רוצח אשר ירצח את רעהו בבלי דעת והוא לא שנא לו מתמול שלשום ונס אל אחת מן הערים האל וחי⁴³ את בצר במדבר בארץ המישר לראובני^U ואת ראמת בגלעד לגדי ואת גולן בבשן למנשי⁴⁴ וזאת התורה אשר שם משה לפני בני ישראל⁴⁵ אלה העדת והחקים

ועשיתם הרע בעיני יהוה אלהיך להכעיסו²⁶ העידתי בכם היום את השמים ואת הארץ כי אבד תאבדון מהר מעל הארץ אשר אתם עברים את הירדן שמה לרשתה לא תאריכון ימים עליה כי השמד תשמדון²⁷ והפיץ יהוה אתכם בעמים ונשאתם מתי מספר בגוים אשר ינהג יהוה אתכם שמה²⁸ ועבדתם שם אלהים מעשה ידי אדם עץ ואבן אשר לא יראון ולא ישמעון ולא יאכלון ולא יריחון²⁹ ובקשתם משם את יהוה אלהיך ומצאת כי תדרשנו בכל לבבך ובכל נפשך³⁰ בצר לך ומצאוך כל הדברים האלה באחרית הימים ושבת עד יהוה אלהיך ושמעת בקלו³¹ כי אל רחום יהוה אלהיך לא ירפך ולא ישחיתך ולא ישכח את ברית אבתיך אשר נשבע להם³² כי שאל נא לימים ראשנים אשר היו לפניך למן היום אשר ברא אלהים אדם על הארץ ולמקצה השמים ועד קצה השמים הנהיה כדבר הגדול הזה או הנשמע כמהו³³ השמע עם קול אלהים מדבר מתוך האש כאשר שמעת אתה ויחי³⁴ או הנסה אלהים לבוא לקחת לו גוי מקרב גוי במסת באתת ובמופתים ובמלחמה וביד חזקה ובזרוע נטויה ובמוראים גדלים ככל אשר עשה לכם יהוה אלהיכם במצרים לעיניך³⁵ אתה הראת לדעת כי יהוה הוא האלהים אין

U We agree with both BHS 1997 and BHQ on an unexpected reading.

Q Marks a place where we agree with BHQ against BHS in reading L.

v We read one or more vowels in L differently from BHS.

U We agree with both BHS 1997 and BHQ on an unexpected reading.

ולא תעבדם כי אנכי יהוה אלהיך אל קנא
פקד עון אבות על בנים ועל שלשים ועל
רבעים לשנאי¹⁰ ועשה חסד לאלפים
לאהבי ולשמרי מצותו מצותי¹¹ לא
תשא את שם יהוה אלהיך לשוא כי לא
ינקה יהוה את אשר ישא את שמו
לשוא¹² שמור את יום השבת^{pQ}
לקדשו כאשר צוך יהוה אלהיך¹³ ששת
ימים תעבד ועשית כל מלאכתך¹⁴ ויום
השביעי שבת ליהוה אלהיך לא תעשה
כל מלאכה אתה ובנדך ובתך ועבדך
ואמתך ושורך וחמרך וכל בהמתך וגרך
אשר בשעריך למען ינוח עבדך ואמתך
כמוך¹⁵ וזכרת כי עבד היית בארץ
מצרים ויצאך יהוה אלהיך משם ביד
חזקה ובזרע נטויה על כן צוך יהוה
אלהיך לעשות את יום השבת^{pQ}¹
⁶ כבד את אביך ואת אמך כאשר צוך
יהוה אלהיך למען יאריכך ימיד ולמען
ייתב לך על האדמה אשר יהוה אלהיך
נתן לך¹⁷ לא תרצח¹⁸ ולא
תנאף¹⁹ ולא תגנב²⁰ ולא
תענה ברעך עד שוא²¹ ולא תחמד
אשת רעך² ולא תתאוה בית רעך

והמשפטים אשר דבר משה אל בני
ישראל בצאתם ממצרים⁴⁶ בעבר הירדן
בגיא מול בית פעור בארץ סיחון מלך
האמרי אשר יושב בחשבון אשר הכה
משה ובני ישראל בצאתם
ממצרים⁴⁷ ויירשו את ארצו ואת ארץ
עוג מלך הבשן שני מלכי האמרי אשר
בעבר הירדן מזרח שמש⁴⁸ מערער אשר
על שפת נחל ארנן ועד הר שיאן הוא
חרמון⁴⁹ וכל הערבה עבר הירדן מזרחה
ועד ים הערבה תחת אשדת הפסגה פ

5 ויקרא משה אל כל ישראל ויאמר
אלהם שמע ישראל את החקים ואת
המשפטים אשר אנכי דבר באזניכם היום
ולמדתם אתם ושמרתם לעשתם² יהוה
אלהינו כרת עמנו ברית בחרב³ לא את
אבתינו כרת יהוה את הברית הזאת כי
אתנו אנחנו אלה פה היום כלנו
חיים⁴ פנים בפנים דבר יהוה עמכם בהר
מתוך האש⁵ אנכי עמד בין יהוה וביניכם
בעת ההוא להגיד לכם את דבר יהוה כי
יראתם מפני האש ולא עליתם בהר
לאמר⁶ אנכי יהוה אלהיך אשר
הוצאתיך מארץ מצרים מבית
עבדים⁷ לא יהיה לך אלהים אחרים על
פני⁸ לא תעשה לך פסל כל תמונה אשר
בשמים ממעל ואשר בארץ מתחת ואשר
במים מתחת לארץ⁹ לא תשתחוה להם

Q Marks a place where we agree with BHQ against BHS in reading L.

p We read punctuation in L differently from BHS.

U We agree with both BHS 1997 and BHQ on an unexpected reading.

Q Marks a place where we agree with BHQ against BHS in reading L.

p We read punctuation in L differently from BHS.

לעשות כאשר צוה יהוה אלהיכם אתכם
לא תסרו ימין ושמאל³³ בכל הדרך אשר
צוה יהוה אלהיכם אתכם תלכו למען
תחיון וטוב לכם והארכתם ימים בארץ
אשר תירשון

6 וזאת המצוה החקים והמשפטים אשר
צוה יהוה אלהיכם ללמד אתכם לעשות
בארץ אשר אתם עברים שמה
לרשתה² למען תירא את יהוה אלהיך
לשמר את כל חקתיו ומצותיו אשר אנכי
מצוץ אתה ובנד ובנד כל ימי חיך
ולמען יארכן ימך³ ושמעת ישראל
ושמרת לעשות אשר ייטב לך ואשר
תרבון מאד כאשר דבר יהוה אלהי
אבתך לך ארץ זבת חלב ודבש פ
⁴ שמע ישראל יהוה אלהינו יהוה אחד
⁵ ואהבת את יהוה אלהיך בכל לבבך
ובכל נפשך ובכל מאדך⁶ והיו הדברים
האלה אשר אנכי מצוץ היום על
לבבך⁷ ושונתם לבניך ודברת בם בשבתך
בביתך ובלכתך בדרך ובשכבך
ובקומך⁸ וקשרתם לאות על ידך והיו
לטטפת בין עיניך⁹ וכתבתם על מזוזת
ביתך ובשעריך פ והיה כי יביאך
יהוה אלהיך אל הארץ אשר נשבע
לאבתך לאברהם ליצחק וליעקב לתת
לך ערים גדלת וטבת אשר לא
בנית¹¹ ובתים מלאים כל טוב אשר לא

שדהו ועבדו ואמתו שורו וחמרו וכל
אשר לרעך פ את הדברים האלה
דבר יהוה אל כל קהלכם בהר מתוך
האש הענן והערפל קול גדול ולא יסף
ויכתבם על שני לוחות אבנים ויתנם
אלי²³ ויהי כשמעכם את הקול מתוך
החשך וההר בער באש ותקרבו אלי כל
ראשי שבטיכם וזקניכם²⁴ ותאמרו הן
הראנו יהוה אלהינו את כבודו ואת גדלו
ואת קלו שמענו מתוך האש היום הזה
ראינו כי ידבר אלהים את האדם
וחי²⁵ ועתה למה נמות כי תאכלנו האש
הגדלה הזאת אם יספים אנחנו לשמע
את קול יהוה אלהינו עוד ומתנו²⁶ כי מי
כל בשר אשר שמע קול אלהים חיים
מדבר מתוך האש כמנו ויחי²⁷ קרב אתה
ושמע את כל אשר יאמר יהוה אלהינו
ואת תדבר אלינו את כל אשר ידבר יהוה
אלהינו אליך ושמענו ועשינו²⁸ וישמע
יהוה את קול דבריכם בדברכם אלי
ויאמר יהוה אלי שמעתי את קול דברי
העם הזה אשר דברו אליך היטיבו כל
אשר דברו²⁹ מי יתן והיה לבבם זה להם
ליראה אתי ולשמר את כל מצותי כל
הימים למען ייטב להם ולבניהם
לעלם³⁰ לך אמר להם שובו לכם
לאהליכם³¹ ואתה פה עמד עמדי
ואדברה אליך את כל המצוה והחקים
והמשפטים אשר תלמדם ועשו בארץ
אשר אנכי נתן להם לרשתה³² ושמרתם

לעשות את כל המצוה הזאת לפני יהוה
אלהינו כאשר צונו ם

7 כי יביאך יהוה אלהיך אל הארץ אשר
אתה בא שמה לרשתה ונשל גוים רבים
מפניך החתי והגרשני והאמרי והכנעני
והפרזי והחוי והיבוסי שבעה גוים רבים
ועצומים ממך ² ונתנם יהוה אלהיך לפניך
והכיתם החרם תחרים אתם לא תכרת
להם ברית ולא תחנם ³ ולא תתחתן בם
בתך לא תתן לבנו ובתו לא תקח
לבנד ⁴ כי יסיר את בנד מאחרי ועבדו
אלהים אחרים וחרה אף יהוה בכם
והשמידך מהר ⁵ כי אם כה תעשו להם
מזבחתיהם תתצו ומצבתם תשברו
ואשירהם תגדעון ופסיליהם תשרפון
באש ⁶ כי עם קדוש אתה ליהוה אלהיך
בד בחר יהוה אלהיך להיות לו לעם סגלה
מכל העמים אשר על פני
האדמה ם ⁷ לא מרבכם מכל העמים
חשק יהוה בכם ויבחר בכם כי אתם
המעט מכל העמים ⁸ כי מאהבת יהוה
אתכם ומשמרו ^{vpP} את השבעה אשר
נשבע לאבתיכם הוציא יהוה אתכם ביד
חזקה ויפדך מבית עבדים מיד פרעה
מלך מצרים ⁹ וידעת כי יהוה אלהיך הוא
האלהים האל הנאמן שמר הברית

מלאת וברת חצובים אשר לא חצבת
כרמים וזיתים אשר לא נטעת ואכלת
ושבעת ¹² השמר לך פן תשכח את יהוה
אשר הוציאך מארץ מצרים מבית
עבדים ¹³ את יהוה אלהיך תירא ואתו
תעבד ובשמו תשבע ¹⁴ לא תלכון אחרי
אלהים אחרים מאלהי העמים אשר
סביבותיכם ¹⁵ כי אל קנא יהוה אלהיך
בקרבך פן יחרה אף יהוה אלהיך בד
והשמידך מעל פני האדמה ם ¹⁶ לא
תנסו את יהוה אלהיכם כאשר נסיתם
במסה ¹⁷ שמור תשמרון את מצות יהוה
אלהיכם ועדתיו וחקיו אשר צוך ¹⁸ ועשית
הישר והטוב בעיני יהוה למען ייטב לך
ובאת וירשת את הארץ הטבה אשר
נשבע יהוה לאבתיך ¹⁹ להדף את כל
איביך מפניך כאשר דבר יהוה ם ²⁰ כי
ישאלך בנד מחר לאמר מה העדת
והחקים והמשפטים אשר צוה יהוה
אלהינו אתכם ²¹ ואמרת לבנד עבדים
היינו לפרעה במצרים ויוציאנו יהוה
ממצרים ביד חזקה ²² ויתן יהוה אותת
ומפתים גדלים ורעים במצרים בפרעה
ובכל ביתו לעינינו ²³ ואותנו הוציא משם
למען הביא אתנו לתת לנו את הארץ
אשר נשבע לאבתינו ²⁴ ויצונו יהוה
לעשות את כל החקים האלה ליראה את
יהוה אלהינו לטוב לנו כל הימים לחיתנו
כהיום הזה ²⁵ וצדקה תהיה לנו כי נשמר

P We read the punctuation in L differently from BHQ.

p We read punctuation in L differently from BHS.

v We read one or more vowels in L differently from BHS.

והנסתרים מפניך²¹ לא תערץ מפניהם כי יהוה אלהיך בקרבך אל גדול ונורא²² ונשל יהוה אלהיך את הגוים האל מפניך מעט מעט לא תוכל כלתם מהר פן תרבה עליך חית השדה²³ ונתנם יהוה אלהיך לפניך והמם מהומה גדלה עד השמדם²⁴ ונתן מלכיהם בידך והאבדת את שמים מתחת השמים לא יתיצב איש בפניך עד השמדך אתם²⁵ פסילי אלהיהם תשרפון באש לא תחמד כסף וזהב עליהם ולקחת לך פן תוקש בו כי תועבת יהוה אלהיך הוא²⁶ ולא תביא תועבה אל ביתך והיית חרם כמו שקץ תשקצנו ותעב תתעבנו כי חרם הוא פ

8 כל המצוה אשר אנכי מצוך היום תשמרון לעשות למען תחיון ורבייתם ובאתם וירשתם את הארץ אשר נשבע יהוה לאבותיכם² וזכרת את כל הדרך אשר הליכך יהוה אלהיך זה ארבעים שנה במדבר למען ענתך לנסתך לדעת את אשר בלבבך התשמר מצותו מצותיו אם לא³ ויענך וירעבך ויאכלך את^{pQ} המן אשר לא ידעת ולא ידעון אבתיך למען הודעך כי לא על הלחם לבדו יחיה האדם כי על כל מוצא פי יהוה יחיה

והחסד לאהביו ולשמרי מצותו מצותיו לאלף דור¹⁰ ומשלם לשנאיו אל פניו להאבידו לא יאחר לשנאו אל פניו ישלם לו¹¹ ושמרת את המצוה ואת החקים ואת המשפטים אשר אנכי מצוך היום לעשותם פ

¹² והיה עקב תשמעון את המשפטים האלה ושמרתם ועשיתם אתם ושמר יהוה אלהיך לך את הברית ואת החסד אשר נשבע לאבתיך¹³ ואהבך וברכך והרבך וברך פרי בטנך ופרי אדמתך דגנך ותירשך ויצהרך שגר אלפיך ועשתרת צאנך על האדמה אשר נשבע לאבתיך לתת לך¹⁴ ברוך תהיה מכל העמים לא יהיה בך עקר ועקרה ובבהמתך¹⁵ והסיר יהוה ממך כל חלי וכל מדוי מצרים הרעים אשר ידעת לא ישימם בך ונתנם בכל שנאיך¹⁶ ואכלת את כל העמים אשר יהוה אלהיך נתן לך לא תחס עינך עליהם ולא תעבד את אלהיהם כי מוקש הוא לך פ כי תאמר בלבבך רבים הגוים האלה ממני איכה אוכל להורישם¹⁸ לא תירא מהם זכר תזכר את אשר עשה יהוה אלהיך לפרעה ולכל מצרים¹⁹ המסת הגדלת אשר ראו עיניך והאתת והמפתים והיד החזקה והזרע הנטויה אשר הוצאך יהוה אלהיך כן יעשה יהוה אלהיך לכל העמים אשר אתה ירא מפניהם²⁰ וגם את הצרעה ישלח יהוה אלהיך במעט אבד הנשארים

Q Marks a place where we agree with BHQ against BHS in reading L.

p We read punctuation in L differently from BHS.

נשבע לאבתיך כיום הזה פ
 19 והיה אם שכח תשכח את יהוה אלהיך
 והלכת אחרי אלהים אחרים ועבדתם
 והשתחווית להם העדתי בכס היום כי
 אבד תאבדון 20 כגוים אשר יהוה מאביד
 מפניכם כן תאבדון עקב לא תשמעון
 בקול יהוה אלהיכם פ

9 שמע ישראל אתה עבר היום את
 הירדן לבא לרשת גוים גדלים ועצמים
 ממך ערים גדלת ובצרת בשמים 2 עם
 גדול ורם בני ענקים אשר אתה ידעת
 ואתה שמעת מי יתיצב לפני בני
 ענק 3 וידעת היום כי יהוה אלהיך הוא
 העבר לפניך אש אכלה הוא ישמידם
 והוא יכניעם לפניך והורשתם והאבדתם U
 מהר כאשר דבר יהוה לך 4 אל תאמר
 בלבבך בהדף יהוה אלהיך אתם מלפניך
 לאמר בצדקתי הביאני יהוה לרשת את
 הארץ הזאת וברשעת הגוים האלה יהוה
 מורישם מפניך 5 לא בצדקתך ובישר
 לבבך אתה בא לרשת את ארצם כי
 ברשעת הגוים האלה יהוה אלהיך
 מורישם מפניך ולמען הקים את הדבר
 אשר נשבע יהוה לאבתיך לאברהם
 ליצחק וליעקב 6 וידעת כי לא בצדקתך
 יהוה אלהיך נתן לך את הארץ הטובה
 הזאת לרשתה כי עם קשה ערף

האדם 4 שמלתך לא בלתה מעליך ורגלך
 לא בצקה זה ארבעים שנה 5 וידעת עם
 לבבך כי כאשר ייסר איש את בנו יהוה
 אלהיך מיסרך 6 ושמרת את מצות יהוה
 אלהיך ללכת בדרכיו וליראה אתו 7 כי
 יהוה אלהיך מביאך אל ארץ טובה ארץ
 נחלי מים עינת ותהמת יצאים בבקעה
 ובהר 8 ארץ חטה ושערה וגפן ותאנה
 ורמון ארץ זית שמן ודבש 9 ארץ אשר לא
 במסכנת תאכל בה לחם לא תחסר כל
 בה ארץ אשר אבניה ברזל ומהרריה
 תחצב נחשת 10 ואכלת ושבעת וברכת
 את יהוה אלהיך על הארץ הטובה אשר
 נתן לך 11 השמר לך פן תשכח את יהוה
 אלהיך לבלתי שמר מצותיו ומשפטיו
 וחקתיו אשר אנכי מצוך היום 12 פן תאכל
 ושבעת ובתים טובים תבנה
 וישבת 13 ובקרך וצאנך ירבין וכסף וזהב
 ירבה לך וכל אשר לך ירבה 14 ורם לבבך
 ושכחת את יהוה אלהיך המוציאך מארץ
 מצרים מבית עבדים 15 המוליכך במדבר
 הגדל והנורא נחש שרף ועקרב וצמאון
 אשר אין מים המוציא לך מים מצור
 החלמיש 16 המאכלך מן במדבר אשר לא
 ידעון אבתיך למען ענתך ולמען נסתך
 להיטבך באחריתך 17 ואמרת בלבבך כחי
 ועצם ידי עשה לי את החיל הזה 18 וזכרת
 את יהוה אלהיך כי הוא הנתן לך כח
 לעשות חיל למען הקים את בריתו אשר

U We agree with both BHS 1997 and BHQ on an unexpected reading.

לעיניכם¹⁸ ואתנפל לפני יהוה כראשנה
ארבעים יום וארבעים לילה לחם לא
אכלתי ומים לא שתיתי על כל חטאתכם
אשר חטאתם לעשות הרע בעיני יהוה
להכעיסו¹⁹ כי יגרתי מפני האף והחמה
אשר קצף יהוה עליכם להשמיד אתכם
וישמע יהוה אלי גם בפעם
ההוא²⁰ ובאהרן התאנף יהוה מאד
להשמידו ואתפלל גם בעד אהרן בעת
ההוא²¹ pQ ואת חטאתכם אשר עשיתם
את העגל לקחתי ואשרף אתו באש
ואכת אתו טחון היטב עד אשר דק לעפר
ואשלך את עפרו אל הנחל הירד מן
ההר²² ובתבערה ובמסה ובקברת
התאווה מקצפים הייתם את
יהוה²³ ובשלח יהוה אתכם מקדש ברנע
לאמר עלו ורשו את הארץ אשר נתתי
לכם ותמרו את פי יהוה אלהיכם ולא
האמנתם לו ולא שמעתם בקלו²⁴ ממרים
הייתם עם יהוה מיום דעתי
אתכם²⁵ ואתנפל לפני יהוה את ארבעים
היום ואת ארבעים הלילה אשר התנפלתי
כי אמר יהוה להשמיד אתכם²⁶ ואתפלל
אל יהוה ואמר אדני יהוה אל תשחת
עמך ונחלתך אשר פדית בגדלך אשר
הוצאת ממצרים ביד חזקה²⁷ זכר
לעבדיך לאברהם ליצחק וליעקב אל תפן
אל קשי העם הזה ואל רשעו ואל

אתה⁷ זכר אל תשכח את אשר הקצפת
את יהוה אלהיך במדבר למן היום אשר
יצאת מארץ מצרים עד באכם עד
המקום הזה ממרים הייתם עם
יהוה⁸ ובחרב הקצפתם את יהוה ויתאנף
יהוה בכם להשמיד אתכם⁹ בעלתי ההרה
לקחת לוחת האבנים לוחת הברית אשר
כרת יהוה עמכם ואשב בהר ארבעים יום
וארבעים לילה לחם לא אכלתי ומים לא
שתיתי¹⁰ ויתן יהוה אלי את שני לוחת
האבנים כתבים באצבע אלהים ועליהם
ככל הדברים אשר דבר יהוה עמכם בהר
מתוך האש ביום הקהל¹¹ ויהי מקץ
ארבעים יום וארבעים לילה נתן יהוה אלי
את שני לוחת האבנים לוחת
הברית¹² ויאמר יהוה אלי קום רד מהר
מזה כי שחת עמך אשר הוצאת ממצרים
סרו מהר מן הדרך אשר צויתם עשו להם
מסכה¹³ ויאמר יהוה אלי לאמר ראיתי
את העם הזה והנה עם קשה ערף
הוא¹⁴ הרף ממני ואשמידם ואמחה את
שם מתחת השמים ואעשה אותך לגוי
עצום ורב ממנו¹⁵ ואפן וארד מן ההר
וההר בער באש ושני לוחת הברית על
שתי ידי¹⁶ וארא והנה חטאתם ליהוה
אלהיכם עשיתם לכם עגל מסכה סרתם
מהר מן הדרך אשר צוה יהוה
אתכם¹⁷ ואתפש בשני הלחת ואשלכם
מעל שתי ידי ואשברם

Q Marks a place where we agree with BHQ against BHS in reading L.

p We read punctuation in L differently from BHS.

ההוא הבדיל יהוה את שבט הלוי לשאת את ארון ברית יהוה לעמד לפני יהוה לשרתו ולברך בשמו עד היום הזה⁹ על כן לא היה ללוי חלק ונחלה עם אחיו יהוה הוא נחלתו כאשר דבר יהוה אלהיך לו¹⁰ ואנכי עמדתי בהר כימים הראשנים ארבעים יום וארבעים לילה וישמע יהוה אלי גם בפעם ההוא לא אבה יהוה השחיתך¹¹ ויאמר יהוה אלי קום לך למסע לפני העם ויבאו וירשו את הארץ אשר נשבעתי לאבתם לתת להם^פ ועתה ישראל מה יהוה אלהיך שאל מעמך כי אם ליראה את יהוה אלהיך ללכת בכל דרכיו ולאהבה אתו ולעבד את יהוה אלהיך בכל לבבך ובכל נפשך¹³ לשמר את מצות יהוה ואת חקתיו אשר אנכי מצוך היום לטוב לך¹⁴ הן ליהוה אלהיך השמים ושמי השמים הארץ וכל אשר בה¹⁵ רק באבתיך חשק יהוה לאהבה אותם ויבחר בזרעם אחריהם בכס מכל העמים כיום הזה¹⁶ ומלתם את ערלת לבבכם וערפכם לא תקשו עוד¹⁷ כי יהוה אלהיכם הוא אלהי האלהים ואדני האדנים האל הגדל הגבר והנורא אשר לא ישא פנים ולא יקח שחד¹⁸ עשה משפט יתום ואלמנה ואהב גר לתת לו

error in BHS.

U We agree with both BHS 1997 and BHQ on an unexpected reading.

חטאתו²⁸ פן יאמרו הארץ אשר הוצאתנו משם מבלי יכלת יהוה להביאם אל הארץ אשר דבר להם ומשנאתו אותם הוציאם להמתם במדבר²⁹ והם עמד ונחלתך אשר הוצאת בכחך הגדל ובזרעך הנטויה^פ

10 בעת ההוא אמר יהוה אלי פסל לך שני לוחת^{Qv} אבנים כראשנים ועלה אלי ההרה ועשית לך ארון עץ² ואכתב על הלחת את הדברים אשר היו על הלחת הראשנים אשר שברת ושמתם בארון³ ואעש ארון עצי שטים ואפסל שני לוחת אבנים כראשנים ואעל ההרה ושני הלחת בידי⁴ ויכתב על הלחת כמכתב הראשון את עשרת הדברים אשר דבר יהוה אליכם בהר מתוך האש ביום הקהל ויתנם יהוה אלי⁵ ואפן וארד מן ההר ואשם את הלחת בארון אשר עשיתי ויהיו שם כאשר צוני יהוה⁶ ובני ישראל נסעו מבארת בני יעקן מוסרה שם מת אהרן ויקבר שם ויכהן אלעזר בנו תחתיו⁷ משם נסעו הגדגדה ומן הגדגדה יטבתה ארץ נחלי^{Qc} מים⁸ בעת

Q Marks a place where we agree with BHQ against BHS in reading L.

v We read one or more vowels in L differently from BHS.

Q Marks a place where we agree with BHQ against BHS in reading L.

c We read one or more accents in L differently than BHS. Often this notation indicates a typographical

לחם ושמלה¹⁹ ואהבתם את הגר כי גרים
 הייתם בארץ מצרים²⁰ את יהוה אלהיך
 תירא אתו תעבד ובו תדבק ובשמו
 תשבע²¹ הוא תהלתך והוא אלהיך אשר
 עשה אתך את הגדלת ואת הנוראת
 האלה אשר ראו עיניך²² בשבעים נפש
 ירדו אבתיך מצרימה^{pQ} ועתה שמך יהוה
 אלהיך ככוכבי השמים לרב

11 ואהבת את יהוה אלהיך ושמרת
 משמרתו וחקתיו ומשפטיו ומצותיו כל
 הימים² וידעתם היום כי לא את בניכם
 אשר לא ידעו ואשר לא ראו את מוסר
 יהוה אלהיכם את גדלו את ידו החזקה
 וזרעו הנטויה³ ואת אתתיו ואת מעשיו
 אשר עשה בתוך מצרים לפרעה מלך
 מצרים ולכל ארצו⁴ ואשר עשה לחיל
 מצרים לסוסיו ולרכבו אשר הציף את מי
 ים סוף על פניהם ברדפם אחריכם
 ויאבדם יהוה עד היום הזה⁵ ואשר עשה
 לכם במדבר עד באכם עד המקום
 הזה⁶ ואשר עשה לדתן ולאבירם בני
 אליאב בן ראובן אשר פצתה הארץ את
 פיה ותבלעם ואת בתיהם ואת אהליהם
 ואת כל היקום אשר ברגליהם בקרב כל
 ישראל⁷ כי עיניכם הראת את כל מעשה
 יהוה הגדל אשר עשה⁸ ושמרתם את כל

Q Marks a place where we agree with BHQ against BHS in reading L.

p We read punctuation in L differently from BHS.

אצל אלוני מרה³¹ כי אתם עברים את הירדן לבא לרשת את הארץ אשר יהוה אלהיכם נתן לכם וירשתם אתה וישבתם בה³² ושמרתם לעשות את כל החקים ואת המשפטים אשר אנכי נתן לפניכם היום

12 אלה החקים והמשפטים אשר תשמרון לעשות בארץ אשר נתן יהוה אלהי אבותיך לך לרשתה כל הימים אשר אתם חיים על האדמה² אבד תאבדון את כל המקמות אשר עבדו שם הגוים אשר אתם ירשים אתם את אלהיהם על ההרים הרמים ועל הגבעות ותחת כל עץ רענן³ ונתצתם את מזבחתם^U ושברתם את מצבתם ואשריהם תשרפון באש ופסילי אלהיהם תגדעון ואבדתם את שמם מן המקום ההוא⁴ לא תעשון כן ליהוה אלהיכם⁵ כי אם אל המקום אשר יבחר יהוה אלהיכם מכל שבטיכם לשום את שמו שם לשכנו תדרשו ובאת שמה⁶ והבאתם שמה עלתיכם וזבחיכם ואת מעשרתיכם ואת תרומת ידכם ונדריכם ונדבתיכם ובכרת בקרכם וצאנכם⁷ ואכלתם שם לפני יהוה אלהיכם ושמחתם בכל משלח ידכם אתם ובתיכם אשר ברכך יהוה

U We agree with both BHS 1997 and BHQ on an unexpected reading.

U We agree with both BHS 1997 and BHQ on an unexpected reading.

בביתך ובלכתך בדרך ובשכבך ובקומך²⁰ וכתבתם על מזוזות ביתך ובשעריך²¹ למען ירבו ימיכם וימי בניכם על האדמה אשר נשבע יהוה לאבותיכם לתת להם כימי השמים על הארץ²² כי אם שמר תשמרון את כל המצוה הזאת אשר אנכי מצוה אתכם לעשתה לאהבה את יהוה אלהיכם ללכת בכל דרכיו ולדבקה בו²³ והוריש יהוה את כל הגוים האלה מלפניכם וירשתם גוים גדלים ועצמים מכם²⁴ כל המקום אשר תדרך כף רגלכם בו לכם יהיה מן המדבר והלבנון מן הנהר נהר פרת ועד הים האחרון יהיה גבלכם²⁵ לא יתיצב איש בפניכם פחדכם ומוראכם יתן יהוה אלהיכם על פני כל הארץ אשר תדרכו בה כאשר דבר לכם²⁶ ראה אנכי נתן לפניכם היום ברכה וקללה²⁷ את הברכה אשר תשמעו אל מצות יהוה אלהיכם אשר אנכי מצוה אתכם היום²⁸ והקללה אם לא תשמעו אל מצות יהוה אלהיכם וסרתם מן הדרך אשר אנכי מצוה אתכם היום ללכת אחרי אלהים אחרים אשר לא ידעתם²⁹ והיה כי יביאך יהוה אלהיך אל הארץ אשר אתה בא שמה לרשתה ונתתה את הברכה על הר גרזים ואת הקללה על הר עיבל³⁰ הלא המה בעבר הירדן אחרי דרך מבוא השמש בארץ הכנעני הישב בערבה מול הגלגל

אשר בשעריך ושמחת לפני יהוה אלהיך
 בכל משלח ירך¹⁹ השמר לך פן תעזב
 את הלוי כל ירך על אדמתך ׀²⁰ כי
 ירחיב יהוה אלהיך את גבולך כאשר דבר
 לך ואמרת אכלה בשר כי תאוה נפשך
 לאכל בשר בכל אות נפשך תאכל
 בשר²¹ כי ירחק ממך המקום אשר יבחר
 יהוה אלהיך לשום שמו שם זבחת
 מבקרך ומצאנך אשר נתן יהוה לך כאשר
 צויתך ואכלת בשעריך בכל אות
 נפשך²² אך כאשר יאכל את הצבי ואת
 האיל כן תאכלנו הטמא והטהור יחדו
 יאכלנו²³ רק חזק לבלתי אכל הדם כי
 הדם הוא הנפש ולא תאכל הנפש עם
 הבשר²⁴ לא תאכלנו על הארץ תשפכנו
 כמים²⁵ לא תאכלנו למען ייטב לך ולבניך
 אחריך כי תעשה הישר בעיני יהוה²⁶ רק
 קדשית אשר יהיו לך ונדריך תשא ובאת
 אל המקום אשר יבחר יהוה²⁷ ועשית
 עלתך הבשר והדם על מזבח יהוה
 אלהיך ודם זבחיך ישפך על מזבח יהוה
 אלהיך והבשר תאכל²⁸ שמר ושמעת את
 כל הדברים האלה אשר אנכי מצוך למען
 ייטב לך ולבניך אחריך עד עולם כי
 תעשה הטוב והישר בעיני יהוה
 אלהיך ׀²⁹ כי יכרית יהוה אלהיך את
 הגוים אשר אתה בא שמה לרשת אותם
 מפניך וירשת אתם וישבת
 בארצם³⁰ השמר לך פן תנקש אחריהם

אלהיך⁸ לא תעשון ככל אשר אנחנו
 עשים פה היום איש כל הישר בעיניו⁹ כי
 לא באתם עד עתה אל המנוחה ואל
 הנחלה אשר יהוה אלהיך נתן
 לך¹⁰ ועברתם את הירדן וישבתם בארץ
 אשר יהוה אלהיכם מנחיל אתכם והניח
 לכם מכל איביכם מסביב וישבתם
 בטח¹¹ והיה המקום אשר יבחר יהוה
 אלהיכם בו לשכן שמו שם שמה תביאו
 את כל אשר אנכי מצוה אתכם עולתיכם
 זבחיכם מעשרתיכם ותרמת ידכם וכל
 מבחר נדריכם אשר תדרו
 ליהוה¹² ושמחתם לפני יהוה אלהיכם
 אתם ובניכם ובנתיכם ועבדיכם
 ואמהתיכם והלוי אשר בשעריכם כי אין
 לו חלק ונחלה אתכם¹³ השמר לך פן
 תעלה עלתך בכל מקום אשר
 תראה¹⁴ כי אם במקום אשר יבחר יהוה
 באחד שבטיך שם תעלה עלתך ושם
 תעשה כל אשר אנכי מצוך¹⁵ רק בכל
 אות נפשך תזבח ואכלת בשר כברכת
 יהוה אלהיך אשר נתן לך בכל שעריך
 הטמא והטהור יאכלנו כצבי וכאיל¹⁶ רק
 הדם לא תאכלו על הארץ תשפכנו
 כמים¹⁷ לא תוכל לאכל בשעריך מעשר
 דגנך ותירשך ויצהרך ובכרת בקרך
 וצאנך וכל נדריך אשר תדר ונדבתיך
 ותרומת ירך¹⁸ כי אם לפני יהוה אלהיך
 תאכלנו במקום אשר יבחר יהוה אלהיך
 בו אתה ובנך ובתך ועבדך ואמתך והלוי

ידעת אתה ואבתיך⁸ מאלהי העמים אשר סביבתיכם הקרבים אליך או הרחקים ממך מקצה הארץ ועד קצה הארץ⁹ לא תאבה לו ולא תשמע אליו ולא תחוס עינד עליו ולא תחמל ולא תכסה עליו¹⁰ כי הרג תהרגנו ידך תהיה בו בראשונה להמיתו ויד כל העם באחרונה¹¹ וסקלתו באבנים ומת כי בקש להדיחך מעל יהוה אלהיך המוציאך מארץ מצרים מבית עבדים¹² וכל ישראל ישמעו ויראון ולא יוספו לעשות כדבר הרע הזה בקרבך¹³ כי תשמע באחת עריך אשר יהוה אלהיך נתן לך לשבת שם לאמר¹⁴ יצאו אנשים בני בליעל מקרבך וידיחו את ישבי עירם לאמר נלכה ונעבדה אלהים אחרים אשר לא ידעתם¹⁵ ודרשת וחקרת^U ושאלת היטב והנה אמת נכון הדבר נעשתה התועבה הזאת בקרבך¹⁶ הכה תכה את ישבי העיר **ההוא** **ההיא** לפי חרב החרם אתה ואת כל אשר בה ואת בהמתה לפי חרב¹⁷ ואת כל שללה תקבץ אל תוך רחבה ושרפת באש את העיר ואת כל שללה כליל ליהוה אלהיך והיתה תל עולם לא תבנה עוד¹⁸ ולא ידבק בידך מאומה מן החרם למען ישוב יהוה מחרון אפו ונתן לך רחמים ורחמך והרבך כאשר נשבע לאבתיך¹⁹ כי תשמע בקול

אחרי השמדם מפניך ופן תדרש לאלהיהם לאמר איכה יעבדו הגוים האלה את אלהיהם ואעשה כן גם אני³¹ לא תעשה כן ליהוה אלהיך כי כל תועבת יהוה אשר שנא עשו לאלהיהם כי גם את בניהם ואת בנותיהם ישרפו באש לאלהיהם

13 את כל הדבר אשר אנכי מצוה אתכם אתו תשמרו לעשות לא תסוף עליו ולא תגרע ממנו פ
² כי יקום בקרבך נביא או חלם חלום ונתן אליך אות או מופת³ ובא האות והמופת אשר דבר אליך לאמר נלכה אחרי אלהים אחרים אשר לא ידעתם ונעבדם⁴ לא תשמע אל דברי הנביא ההוא או אל חולם החלום ההוא כי מנסה יהוה אלהיכם אתכם לדעת הישכם אהבים את יהוה אלהיכם בכל לבבכם ובכל נפשכם⁵ אחרי יהוה אלהיכם תלכו ואתו תיראו ואת מצותיו תשמרו ובקלו תשמעו ואתו תעבדו ובו תדבקון⁶ והנביא ההוא או חלם החלום ההוא יומת כי דבר סרה על יהוה אלהיכם המוציא אתכם מארץ מצרים והפדך מבית עבדים להדיחך מן הדרך אשר צוך יהוה אלהיך ללכת בה ובערת הרע מקרבך⁷ כי יסיתך אחיך בן אמך או בנך או בתך או אשת חיקך או רעך אשר כנפשך בסתר לאמר נלכה ונעבדה אלהים אחרים אשר לא

U We agree with both BHS 1997 and BHQ on an unexpected reading.

וְאֵת הַשַּׁחֵף וְאֵת הַנֶּגֶץ לְמִינֵהוּ ¹⁶ אֵת הַכּוֹס
וְאֵת הַיִּנְשׁוּף וְהַתְּנַשְׁמַת ¹⁷ וְהַקָּאֵת וְאֵת
הַרְחֵמָה וְאֵת הַשֶּׁלֶךְ ¹⁸ וְהַחֲסִידָה וְהַאֲנָפָה
לְמִינָהּ וְהַדּוֹכִיפַת וְהַעֲטֹלֶף ¹⁹ וְכֹל שְׂרָץ
הָעוֹף טִמָּא הוּא לָכֶם לֹא יֵאָכְלוּ ²⁰ כֹּל עוֹף
טְהוֹר תֵּאָכְלוּ ²¹ לֹא תֵאָכְלוּ כֹל נְבֵלָה לְגֵר
אֲשֶׁר בְּשַׁעֲרֵיךָ תִּתְנַנֵּה וְאָכְלָה אוֹ מִכֹּר
לְנִכְרֵי כִי עִם קָדוֹשׁ אֵתָה לִיהוּה אֱלֹהֶיךָ
לֹא תִבְשַׁל גְּדֵי בַחֲלָב אִמּוֹ ²²
עֶשֶׂר תַּעֲשֶׂר אֵת כֹּל תְּבוּאֹת זֶרַעַךְ הַיֵּצֵא
הַשְּׂדֵה שָׁנָה שָׁנָה ²³ וְאָכַלְתָּ לִפְנֵי יְהוּה
אֱלֹהֶיךָ בַּמָּקוֹם אֲשֶׁר יִבְחַר לְשֹׁכֵן שְׁמוֹ שֵׁם
מֵעֵשֶׂר דָּגָנְךָ תִּירֶשֶׁךָ וַיִּצְהַרְךָ וּבִכְרַת בַּקֶּרֶךְ
וְצֹאנְךָ לְמַעַן תִּלְמַד לִירְאָה אֵת יְהוּה
אֱלֹהֶיךָ כֹּל הַיָּמִים ²⁴ וְכִי יִרְבֶּה מִמֶּךָ הַדֶּרֶךְ
כִּי לֹא תוֹכֵל ^U שְׂאֵתוֹ כִּי יִרְחַק מִמֶּךָ
הַמָּקוֹם אֲשֶׁר יִבְחַר יְהוּה אֱלֹהֶיךָ לְשׁוֹם
שְׁמוֹ שֵׁם כִּי יִבְרַכְךָ יְהוּה אֱלֹהֶיךָ ²⁵ וְנִתְּתָה
בַּכֶּסֶף וְצִרְתָּ הַכֶּסֶף בִּידְךָ וְהִלַּכְתָּ אֶל
הַמָּקוֹם אֲשֶׁר יִבְחַר יְהוּה אֱלֹהֶיךָ
בּוֹ ²⁶ וְנִתְּתָה הַכֶּסֶף בְּכֹל אֲשֶׁר תֵּאוּה
נַפְשֶׁךָ בַּבֶּקֶר וּבַצֹּאן וּבִיַּיִן וּבַשֶּׂכֶר וּבְכֹל
אֲשֶׁר תִּשְׁאַלְךָ נַפְשֶׁךָ וְאָכַלְתָּ שֵׁם לִפְנֵי
יְהוּה אֱלֹהֶיךָ וְשִׂמַּחְתָּ אֵתָה וּבֵיתְךָ ²⁷ וְהִלּוּי
אֲשֶׁר בְּשַׁעֲרֵיךָ לֹא תַעֲזֹבֵנוּ כִּי אֵין לּוֹ חֶלֶק
וְנִחְלָה עִמָּךְ ²⁸ מִקְצֵה שְׁלֹשׁ שָׁנִים
תּוֹצִיא אֵת כֹּל מֵעֵשֶׂר תְּבוּאֹתְךָ בַּשָּׁנָה
הַהוּא וְהִנַּחְתָּ בְּשַׁעֲרֵיךָ ²⁹ וּבֹא הִלּוּי כִּי אֵין

יְהוּה אֱלֹהֶיךָ לְשׁוֹמֵר אֵת כֹּל מִצְוֹתָיו אֲשֶׁר
אֲנִי מִצְוֶה הַיּוֹם לַעֲשׂוֹת הַיִּשָּׁר בְּעֵינֵי
יְהוּה אֱלֹהֶיךָ ◊

14 בְּנִים אַתֶּם לִיהוּה אֱלֹהֵיכֶם לֹא
תִתְגַּדְּדוּ וְלֹא תִשְׁיִמוּ קִרְחָה בֵּין עֵינֵיכֶם
לְמַת ² כִּי עִם קָדוֹשׁ אֵתָה לִיהוּה אֱלֹהֶיךָ
וּבְךָ בַחַר יְהוּה לְהִיּוֹת לוֹ לְעַם סִגְלָה מִכֹּל
הָעַמִּים אֲשֶׁר עַל פְּנֵי הָאָדָמָה ◊ ³ לֹא
תֵאָכְלָה כֹּל תּוֹעֵבָה ⁴ זֹאת הַבְּהֵמָה אֲשֶׁר
תֵּאָכְלוּ שׁוֹר שֶׁה כְּשִׁבִים וְשֶׁה עֲזִים ⁵ אֵיל
וְצִבִי וַיַּחֲמֹר וְאִקּוֹ וְדִישָׁן וְתָאוֹ וְזֹמֶר ⁶ וְכֹל
בְּהֵמָה מִפְּרִסַת פְּרִסָּה וְשִׁסְעַת שִׁסְעַת שְׁתֵּי
פְּרִסוֹת מֵעֵלֶת גֵּרָה בְּבֵהמָה אֵתָה
תֵּאָכְלוּ ⁷ אֵךְ אֵת זֶה לֹא תֵאָכְלוּ מִמַּעֲלֵי
הַגֵּרָה וּמִמְּפְרִיִּסֵי הַפְּרִסָּה הַשְּׁסוּעָה אֵת
הַגַּמֵּל וְאֵת הָאֲרֻנְבַת וְאֵת הַשֶּׁפֶן כִּי מֵעֵלָה
גֵּרָה הֵמָּה וּפְרִסָּה לֹא הַפְּרִיסוֹ טִמָּאִים הֵם
לָכֶם ⁸ וְאֵת הַחֲזִיר כִּי מִפְּרִיס פְּרִסָּה הוּא
וְלֹא גֵרָה טִמָּא הוּא לָכֶם מִבְּשָׂרָם לֹא
תֵּאָכְלוּ וּבְנִבְלָתָם לֹא תִגְעוּ ◊ ⁹ אֵת זֶה
תֵּאָכְלוּ מִכֹּל אֲשֶׁר בְּמִים כֹּל אֲשֶׁר לוֹ
סִנְפִיר וְקִשְׁקֶשֶׁת תֵּאָכְלוּ ¹⁰ וְכֹל אֲשֶׁר אֵין
לוֹ סִנְפִיר וְקִשְׁקֶשֶׁת לֹא תֵּאָכְלוּ טִמָּא הוּא
לָכֶם ◊ ¹¹ כֹּל צִפּוֹר טְהוֹרָה
תֵּאָכְלוּ ¹² וְזֶה אֲשֶׁר לֹא תֵּאָכְלוּ מֵהֶם
הַנֶּשֶׁר וְהַפְּרִס וְהַעֲזֹנִיָּה ¹³ וְהִרְאָה וְאֵת
הָאֵיָה וְהַדִּיָּה לְמִינָהּ ¹⁴ וְאֵת כֹּל עֶרֶב
לְמִינּוֹ ¹⁵ וְאֵת בַּת הַיַּעֲנָה וְאֵת הַתַּחֲמָס

U We agree with both BHS 1997 and BHQ on an unexpected reading.

משלח ידך¹¹ כי לא יחדל אביון מקרב הארץ על כן אנכי מצוה לאמר פתח תפתח את ידך לאחיד לעניך ולאבינך בארצך ׀¹² כי ימכר לך אחיד העברי או העבריה ועבדך שש שנים ובשנה השביעת תשלחנו חפשי מעמך¹³ וכי תשלחנו חפשי מעמך לא תשלחנו ריקם¹⁴ העניק תעניק לו מצאנך ומגרנך ומיקבך אשר ברכך יהוה אלהיך תתן לו¹⁵ וזכרת כי עבד היית בארץ מצרים ויפדך יהוה אלהיך על כן אנכי מצוה את הדבר הזה היום¹⁶ והיה כי יאמר אליך לא אצא מעמך כי אהבך ואת ביתך כי טוב לו עמך¹⁷ ולקחת את המרצע ונתתה באזנו ובדלת והיה לך עבד עולם ואף לאמתך תעשה כן¹⁸ לא יקשה בעינך בשלחך אתו חפשי מעמך כי משנה שכר שכיר עבדך שש שנים וברכך יהוה אלהיך בכל אשר תעשה ׀¹⁹ כל הבכור אשר יולד בבקרך ובצאנך הזכר תקדיש ליהוה אלהיך לא תעבד בבכר שורך ולא תגז בכור צאנך²⁰ לפני יהוה אלהיך תאכלנו שנה בשנה במקום אשר יבחר יהוה אתה וביתך²¹ וכי יהיה בו מום פסח או עור כל מום רע לא תזבחנו ליהוה אלהיך²² בשעריך תאכלנו הטמא והטהור יחדו כצבי וכאיל²³ רק את דמו לא תאכל על הארץ תשפכנו כמים ׀

לו חלק ונחלה עמך והגר והיתום והאלמנה אשר בשעריך ואכלו ושבעו למען יברכך יהוה אלהיך בכל מעשה ידך אשר תעשה ׀

15 מקץ שבע שנים תעשה שמטה² וזה דבר השמטה שמוט כל בעל משה ידו אשר ישה ברעהו לא יגש את רעהו ואת אחיו כי קרא שמטה ליהוה³ את הנכרי תגש ואשר יהיה לך את אחיד תשמט ידך⁴ אפס כי לא יהיה בך אביון כי ברך יברכך יהוה בארץ אשר יהוה אלהיך נתן לך נחלה לרשתה⁵ רק אם שמוע תשמע בקול יהוה אלהיך לשמר לעשות את כל המצוה הזאת אשר אנכי מצוה היום⁶ כי יהוה אלהיך ברכך כאשר דבר לך והעבטת גוים רבים ואתה לא תעבט ומשלת בגוים רבים ובך לא ימשלו ׀⁷ כי יהיה בך אביון מאחד אחיד באחד שעריך בארצך אשר יהוה אלהיך נתן לך לא תאמץ את לבבך ולא תקפץ את ידך מאחיד האביון⁸ כי פתח תפתח את ידך לו והעבט תעביטנו די מחסרו אשר יחסר לו⁹ השמר לך פן יהיה דבר עם לבבך בליעל לאמר קרבה שנת השבע שנת השמטה ורעה עינך באחיד האביון ולא תתן לו וקרא עליך אל יהוה והיה בך חטא¹⁰ נתון תתן לו ולא ירע לבבך בתתך לו כי בגלל הדבר הזה יברכך יהוה אלהיך בכל מעשך ובכל

והלוי אשר בשעריך והגר והיתום והאלמנה אשר בקרבך במקום אשר יבחר יהוה אלהיך לשכן שמו שם¹² וזכרת כי עבד היית במצרים ושמרת ועשית את החקים האלה פ¹³ חג הסכת תעשה לך שבעת ימים באספך מגרנד ומיקבך¹⁴ ושמחת בחגך אתה ובנך ובתך ועבדך ואמתך והלוי והגר והיתום והאלמנה אשר בשעריך¹⁵ שבעת ימים תחג ליהוה אלהיך במקום אשר יבחר יהוה כי יברכך יהוה אלהיך בכל תבואתך ובכל מעשה ידיך והיית אך שמח¹⁶ שלוש פעמים בשנה יראה כל זכורך את פני יהוה אלהיך במקום אשר יבחר בחג המצות ובחג השבעות ובחג הסכות ולא יראה את פני יהוה ריקם¹⁷ איש כמתנת ידו כברכת יהוה אלהיך אשר נתן לך ס¹⁸ שפטים ושטרים נתן לך בכל שעריך אשר יהוה אלהיך נתן לך לשבטיך ושפטו את העם משפט צדק¹⁹ לא תטה משפט לא תכיר פנים ולא תקח שחד כי השחד יעור עיני חכמים ויסלף דברי צדיקים²⁰ צדק צדק תרדף למען תחיה וירשת את הארץ אשר יהוה אלהיך נתן לך ס²¹ לא תטע לך אשרה כל עץ אצל מזבח יהוה אלהיך אשר תעשה לך ס²² ולא תקים לך מצבה אשר שנה יהוה אלהיך ס

16 שמור את חדש האביב ועשית פסח ליהוה אלהיך כי בחדש האביב הוציאך יהוה אלהיך ממצרים לילה² וזבחת פסח ליהוה אלהיך צאן ובקר במקום אשר יבחר יהוה לשכן שמו שם³ לא תאכל עליו חמץ שבעת ימים תאכל עליו מצות לחם עני כי בחפזון יצאת מארץ מצרים למען תזכר^{cQ} את יום צאתך מארץ מצרים כל ימי חיידך⁴ ולא יראה לך שאר בכל גבלך שבעת ימים ולא ילין מן הבשר אשר תזבח בערב ביום הראשון לבקר⁵ לא תוכל לזבח את הפסח באחד שעריך אשר יהוה אלהיך נתן לך⁶ כי אם אל המקום אשר יבחר יהוה אלהיך לשכן שמו שם תזבח את הפסח בערב כבוא השמש מועד צאתך ממצרים⁷ ובשלת ואכלת במקום אשר יבחר יהוה אלהיך בו ופנית בבקר והלכת לאהליך⁸ ששת ימים תאכל מצות וביום השביעי עצרת ליהוה אלהיך לא תעשה מלאכה ס⁹ שבעה שבעת תספר לך מהחל חרמש בקמה תחל לספר שבעה שבעות¹⁰ ועשית חג שבעות ליהוה אלהיך מסת נדבת ידך אשר נתן כאשר יברכך יהוה אלהיך¹¹ ושמחת לפני יהוה אלהיך ונך ובתך ועבדך ואמתך

Q Marks a place where we agree with BHQ against BHS in reading L.

c We read one or more accents in L differently than BHS. Often this notation indicates a typographical error in BHS.

יהוה ושמרת לעשות ככל אשר יורוך¹¹ על פי התורה אשר יורוך ועל המשפט אשר יאמרו לך תעשה לא תסור מן הדבר אשר יגידו לך ימין ושמאל¹² והאיש אשר יעשה בזדון לבלתי שמע אל הכהן העמד לשרת שם את יהוה אלהיך או אל השפט ומת האיש ההוא ובערת הרע מישראל¹³ וכל העם ישמעו ויראו ולא יזידון עוד¹⁴ כי תבא אל הארץ אשר יהוה אלהיך נתן לך וירשתה וישבתה בה ואמרת אשימה עלי מלך ככל הגוים אשר סביבתי¹⁵ שום תשים עליך מלך אשר יבחר יהוה אלהיך בו מקרב אחיך תשים עליך מלך לא תוכל לתת עליך איש נכרי אשר לא אחיך הוא¹⁶ רק לא ירבה לו סוסים ולא ישיב את העם מצרימה למען הרבות סוס ויהוה אמר לכם לא תספון לשוב בדרך הזה עוד¹⁷ ולא ירבה לו נשים ולא יסור לבבו וכסף וזהב לא ירבה לו מאד¹⁸ והיה כשבתו על כסא ממלכתו וכתב לו את משנה התורה הזאת על ספר מלפני הכהנים הלויים¹⁹ והיתה עמו וקרא בו כל ימי חייו למען ילמד ליראה את יהוה אלהיו לשמר את כל דברי התורה הזאת ואת החקים האלה לעשתם²⁰ לבלתי רום לבבו מאחיו ולבלתי סור מן המצוה ימין ושמאל למען יאריך ימים על ממלכתו הוא ובניו בקרב ישראל^ס

17 לא תזבח ליהוה אלהיך שור ושה אשר יהיה בו מום כל דבר רע כי תועבת יהוה אלהיך הוא^ס ² כי ימצא בקרבך באחד שעריך אשר יהוה אלהיך נתן לך איש או אשה אשר יעשה את הרע בעיני יהוה אלהיך לעבר בריתו³ וילך ויעבד אלהים אחרים וישתחו להם ולשמש או לירח או לכל צבא השמים אשר לא צויתי⁴ והגד לך ושמעת ודרשת היטב והנה אמת נכון הדבר נעשתה התועבה הזאת בישראל⁵ והוצאת את האיש ההוא או את האשה ההוא אשר עשו את הדבר הרע הזה אל שעריך את האיש או את האשה וסקלתם באבנים ומתו⁶ על פי שנים עדים או שלשה עדים יומת המת לא יומת על פי עד אחד⁷ יד העדים תהיה בו בראשנה להמיתו ויד כל העם באחרנה ובערת הרע מקרבך^פ ⁸ כי יפלא ממך^צ דבר למשפט בין דם לדם בין דין לדין ובין נגע לנגע דברי ריבת בשעריך וקמת ועלית אל המקום אשר יבחר יהוה אלהיך בו⁹ ובאת אל הכהנים הלויים ואל השפט אשר יהיה בימים ההם ודרשת והגידו לך את דבר המשפט¹⁰ ועשית על פי הדבר אשר יגידו לך מן המקום ההוא אשר יבחר

C We read one or more accents in L differently from BHQ.

c We read one or more accents in L differently than BHS. Often this notation indicates a typographical error in BHS.

קסמים ישמעו ואתה לא כן נתן^{cQ} לך יהוה אלהיך¹⁵ נביא מקרבך מאחיד כמני יקים לך יהוה אלהיך אליו תשמעון¹⁶ ככל אשר שאלת מעם יהוה אלהיך בחרב ביום הקהל לאמר לא אסף לשמע את קול יהוה אלהי ואת האש הגדלה הזאת לא אראה עוד ולא אמות¹⁷ ויאמר יהוה אלי היטיבו אשר דברו¹⁸ נביא אקים להם מקרב אחיהם כמוך ונתתי דברי בפיו ודבר אליהם את כל אשר אצונו¹⁹ והיה האיש אשר לא ישמע אל דברי אשר ידבר בשמי אנכי אדרש מעמו²⁰ אך הנביא אשר יזיד לדבר דבר בשמי את אשר לא צויתיו לדבר ואשר ידבר בשם אלהים אחרים ומת הנביא ההוא²¹ וכי תאמר בלבבך איכה נדע את הדבר אשר לא דברו יהוה²² אשר ידבר הנביא בשם יהוה ולא יהיה הדבר ולא יבוא הוא הדבר אשר לא דברו יהוה בזדון דברו הנביא לא תגור ממנו ׀

19 כי יכרית יהוה אלהיך את הגוים אשר יהוה אלהיך נתן לך את ארצם וירשתם וישבת בעריהם ובבתיהם² שלוש ערים תבדיל לך בתוך

18 לא יהיה לכהנים הלויים כל שבט לוי חלק ונחלה עם ישראל אשי יהוה ונחלתו יאכלון² ונחלה לא יהיה לו בקרב אחיו יהוה הוא נחלתו כאשר דבר לו ׀³ וזה יהיה משפט הכהנים מאת העם מאת זבחי הזבח אם שור אם שה ונתן לכהן הזרע והלחיים והקבה⁴ ראשית דגנך תירשך ויצהרך וראשית גז צאנך תתן לו⁵ כי בו בחר יהוה אלהיך מכל שבטיך לעמד לשרת בשם יהוה הוא ובניו כל הימים ׀⁶ וכי יבא הלוי מאחד שעריך מכל ישראל אשר הוא גר שם ובא בכל אות נפשו אל המקום אשר יבחר יהוה⁷ ושרת בשם יהוה אלהיו ככל אחיו הלויים העמדים שם לפני יהוה⁸ חלק כחלק יאכלו לבד ממכריו על האבות ׀⁹ כי אתה בא אל הארץ אשר יהוה אלהיך נתן לך לא תלמד לעשות כתועבת הגוים ההם¹⁰ לא ימצא בך מעביר בנו ובתו באש קסם קסמים מעונן ומנחש ומכשף¹¹ וחבר חבר ושאל אוב וידעני ודרש אל המתים¹² כי תועבת יהוה כל עשה אלה ובגלל התועבת האלה יהוה אלהיך מוריש אותם מפניך¹³ תמים תהיה עם יהוה אלהיך ׀¹⁴ כי הגוים האלה אשר אתה יורש אותם אל מעננים ואל

Q Marks a place where we agree with BHQ against BHS in reading L.

c We read one or more accents in L differently than BHS. Often this notation indicates a typographical error in BHS.

זקני עירו ולקחו אתו משם ונתנו אתו ביד גאל הדם ומת¹³ לא תחוס עינך עליו ובערת דם הנקי מישראל וטוב לך¹⁴ ׀ לא תסיג גבול רעך אשר גבלו ראשנים בנחלתך אשר תנחל בארץ אשר יהוה אלהיך נתן לך לרשתה ׀¹⁵ לא יקום עד אחד באיש לכל עון ולכל חטאת בכל חטא אשר יחטא על פי שני עדים או על פי שלשה עדים יקום דבר¹⁶ כי יקום עד חמש באיש לענות בו סרה¹⁷ ועמדו שני האנשים אשר להם הריב לפני יהוה לפני הכהנים והשפטים אשר יהיו בימים ההם¹⁸ ודרשו השפטים היטב והנה עד שקר העד שקר ענה באחיו¹⁹ ועשיתם לו כאשר זמם לעשות לאחיו ובערת הרע מקרבך²⁰ והנשארים ישמעו ויראו ולא יספו לעשות עוד כדבר הרע הזה בקרבך²¹ ולא תחוס עינך נפש בנפש עין בעין שן בשן יד ביד רגל ברגל ׀

20 כי תצא למלחמה על איביך וראית סוס ורכב עם רב ממך לא תירא מהם כי יהוה אלהיך עמך המעלך מארץ מצרים² והיה כקרבכם אל המלחמה ונגש הכהן ודבר אל העם³ ואמר אלהם שמע ישראל אתם קרבים היום למלחמה על איביכם אל ירך לבבכם אל תיראו ואל תחפזו ואל תערצו מפניהם⁴ כי יהוה

ארצך אשר יהוה אלהיך נתן לך לרשתה³ תכין לך הדרך ושלשת את גבול ארצך אשר ינחילך יהוה אלהיך והיה לנוס שמה כל רצח⁴ וזה דבר הרצח אשר ינוס שמה וחי אשר יכה את רעהו בבלי דעת והוא לא שנא לו מתמל שלשם⁵ ואשר יבא את רעהו ביער לחטב עצים ונדחה ידו בגרזן לכרת העץ ונשל הברזל מן העץ ומצא את רעהו ומת הוא ינוס אל אחת הערים האלה וחי⁶ פן ירדף גאל הדם אחרי הרצח כי יחס לבבו והשיגו כי ירבה הדרך והכהו נפש ולו אין משפט מות כי לא שנא הוא לו מתמול שלשום⁷ על כן אנכי מצוך לאמר שלש ערים תבדיל לך ׀⁸ ואם ירחיב יהוה אלהיך את גבלך כאשר נשבע לאבתך ונתן לך את כל הארץ אשר דבר לתת לאבתך⁹ כי תשמר את כל המצוה הזאת לעשתה אשר אנכי מצוך היום לאהבה את יהוה אלהיך וללכת בדרכיו כל הימים ויספת^c לך עוד שלש ערים על השלש האלה¹⁰ ולא ישפך דם נקי בקרב ארצך אשר יהוה אלהיך נתן לך נחלה והיה עליך דמים ׀¹¹ וכי יהיה איש שנא לרעהו וארב לו וקם עליו והכהו נפש ומת ונס אל אחת הערים האל¹² ושלחו

C We read one or more accents in L differently from BHQ.

c We read one or more accents in L differently than BHS. Often this notation indicates a typographical error in BHS.

נתן לך נחלה לא תחיה כל נשמה ¹⁷ כי
 החרם תחרימם החתי והאמרי הכנעני
 והפרזי החוי והיבוסים כאשר צוך יהוה
 אלהיך ¹⁸ למען אשר לא ילמדו אתכם
 לעשות ככל תועבתם אשר עשו
 לאלהיהם וחטאתם ליהוה
 אלהיכם ם ¹⁹ כי תצור אל עיר ימים
 רבים להלחם עליה לתפשה לא תשחית
 את עצה לנדח עליו גרזן כי ממנו תאכל
 ואתו לא תכרת כי האדם עץ השדה לבא
 מפניך במצור ²⁰ רק עץ אשר תדע כי לא
 עץ מאכל הוא אתו תשחית וכרת ובנית
 מצור על העיר אשר הוא עשה עמך
 מלחמה עד רדתה פ

21 כי ימצא חלל באדמה אשר יהוה
 אלהיך נתן לך לרשתה נפל בשדה לא
 נודע מי הכהו ² ויצאו זקניך ושפטיך
 ומדדו אל הערים אשר סביבת
 החלל ³ והיה העיר הקרבה אל החלל
 ולקחו זקני העיר ההוא עגלת בקר אשר
 לא עבד בה אשר לא משכה
 בעל ⁴ והורדו זקני העיר ההוא את העגלה
 אל נחל איתן אשר לא יעבד בו ולא יזרע
 וערפו שם את העגלה בנחל ⁵ ונגשו
 הכהנים בני לוי כי בס בחר יהוה אלהיך
 לשרתו ולברך בשם יהוה ועל פיהם יהיה
 כל ריב וכל נגע ⁶ וכל זקני העיר ההוא
 הקרבים אל החלל ירחצו את ידיהם על

אלהיכם ההלך עמכם להלחם לכם עם
 איביכם להושיע אתכם ⁵ ודברו השטרים
 אל העם לאמר מי האיש אשר בנה בית
 חדש ולא חנכו ילך וישב לביתו פן ימות
 במלחמה ואיש אחר יחננו ⁶ ומי האיש
 אשר נטע כרם ולא חללו ילך וישב לביתו
 פן ימות במלחמה ואיש אחר יחללנו ⁷ ומי
 האיש אשר ארש אשה ולא לקחה ילך
 וישב לביתו פן ימות במלחמה ואיש אחר
 יקחנה ⁸ ויספו השטרים לדבר אל העם
 ואמרו מי האיש הירא ורך הלבב ילך
 וישב לביתו ולא ימס את לבב אחיו
 כלבו ⁹ והיה ככלת השטרים לדבר אל
 העם ופקדו שרי צבאות בראש
 העם ם ¹⁰ כי תקרב אל עיר להלחם
 עליה וקראת אליה לשלום ¹¹ והיה אם
 שלום תענד ופתחה לך והיה כל העם
 הנמצא בה יהיו לך למס ועבדוך ¹² ואם
 לא תשלים עמך ועשתה עמך מלחמה
 וצרת עליה ¹³ pQ ונתנה יהוה אלהיך בידך
 והכית את כל זכורה לפי חרב ¹⁴ רק
 הנשים והטף והבהמה וכל אשר יהיה
 בעיר כל שללה תבו לך ואכלת את שלל
 איביך אשר נתן יהוה אלהיך לך ¹⁵ כן
 תעשה לכל הערים הרחקת ממך מאד
 אשר לא מערי הגוים האלה הנה ¹⁶ רק
 מערי העמים האלה אשר יהוה אלהיך

Q Marks a place where we agree with BHQ against BHS in reading L.

p We read punctuation in L differently from BHS.

הבכרה ¹⁸ כי יהיה לאיש בן סורר ומורה איננו שמע בקול אביו ובקול אמו ויסרו^Q אתו ולא ישמע אליהם ¹⁹ ותפשו בו אביו ואמו והוציאו אתו אל זקני עירו ואל שער מקמו ²⁰ ואמרו אל זקני עירו בננו זה סורר ומרה איננו שמע בקלנו זולל וסבא ²¹ ורגמהו כל אנשי עירו באבנים ומת ובערת הרע מקרבך וכל ישראל ישמעו ויראו ²² וכי יהיה באיש חטא משפט מות והומת ותלית אתו על עץ ²³ לא תלין נבלתו על העץ כי קבור תקברנו ביום ההוא כי קללת אלהים תלוי ולא תטמא את אדמתך אשר יהוה אלהיך נתן לך נחלה ²⁴

22 לא תראה את שור אחיך או את שיו נדחים והתעלמת מהם השב תשיבם לאחיך ² ואם לא קרוב אחיך אליך ולא ידעתו ואספתו אל תוך ביתך והיה עמך עד דרש אחיך אתו והשבתו לו ³ וכן תעשה לחמרו וכן תעשה לשמלתו וכן תעשה לכל אבדת אחיך אשר תאבד ממנו ומצאתה לא תוכל להתעלם ⁴ לא תראה את חמור אחיך או שורו נפלים בדרך והתעלמת מהם הקם תקים עמו ⁵ לא יהיה כלי גבר על אשה ולא ילבש גבר שמלת

העגלה הערופה בנחל ⁷ וענו ואמרו ידינו לא ^{שפכה} שפכו את הדם הזה ועינינו לא ראו ⁸ כפר לעמך^c ישראל אשר פדית יהוה ואל תתן דם נקי בקרב ישראל ונכפר להם הדם ⁹ ואתה תבער הדם הנקי מקרבך כי תעשה הישר בעיני יהוה ¹⁰ כי תצא למלחמה על איביך ונתנו יהוה אלהיך בידך ושבת שביו ¹¹ וראית בשביה אשת יפת תאר וחשקת בה ולקחת לך לאשה ¹² והבאתה אל תוך ביתך וגלחתה את ראשה ועשתה את צפרניה ¹³ והסירה את שמלת שביה מעליה וישבה בביתך ובכתה את אביה ואת אמה ירח ימים ואחר כן תבוא אליה ובעלתה והיתה לך לאשה ¹⁴ והיה אם לא חפצת בה ושלחתה לנפשה ומכר לא תמכרנה בכסף לא תתעמר בה תחת אשר עניתה ¹⁵ כי תהיין לאיש שתי נשים האחת אהובה והאחת שנואה וילדו לו בנים האהובה והשנואה והיה הבן הבכור לשניאה ¹⁶ והיה ביום הנחילו את בניו את אשר יהיה לו לא יוכל לבכר את בן האהובה על פני בן השנואה הבכר ¹⁷ כי את הבכר בן השנואה יכיר לתת לו פי שנים בכל אשר ימצא לו כי הוא ראשית אנו לו משפט

Q Marks a place where we agree with BHQ against BHS in reading L.

v We read one or more vowels in L differently from BHS.

C We read one or more accents in L differently from BHQ.

c We read one or more accents in L differently than BHS. Often this notation indicates a typographical error in BHS.

זקני העיר¹⁸ ולקחו זקני העיר ההוא את האיש ויסרו אתו¹⁹ וענשו אתו מאה כסף ונתנו לאבי הנערה כי הוציא שם רע על בתולת ישראל ולו תהיה לאשה לא יוכל לשלחה^{pQ} כל ימיו²⁰ ואם אמת היה הדבר הזה לא נמצאו בתולים **לנער** **לנערה**²¹ והוציאו את **הנער** הנערה אל פתח בית אביה וסקלוה אנשי עירה באבנים ומתה כי עשתה נבלה בישראל לזנות בית אביה ובערת הרע מקרבך²² כי ימצא איש שכב עם אשה בעלת בעל ומתו גם שניהם האיש השכב עם האשה והאשה ובערת הרע מישראל²³ כי יהיה **נער** נערה בתולה מארשה לאיש ומצאה איש בעיר ושכב עמה²⁴ והוצאתם את שניהם אל שער העיר ההוא וסקלתם אתם באבנים ומתו את **הנער** הנערה על דבר אשר לא צעקה בעיר ואת האיש על דבר אשר ענה את אשת רעהו ובערת הרע מקרבך²⁵ ואם בשדה ימצא האיש את **הנער** הנערה המארשה והחזיק בה האיש ושכב עמה ומת האיש אשר שכב עמה לבדו²⁶ **ולנער** **ולנערה**^{cQ} לא תעשה

אשה כי תועבת יהוה אלהיך כל עשה אלה^p
⁶ כי יקרא קן צפור לפניך בדרך בכל עץ או על הארץ אפרחים או ביצים והאם רבצת על האפרחים או על הביצים לא תקח האם על הבנים⁷ שלח תשלח את האם ואת הבנים תקח לך למען ייטב לך והארכת ימים⁸ כי תבנה בית חדש ועשית מעקה לגגך ולא תשים דמים בביתך כי יפל הנפל ממנו⁹ לא תזרע כרמך כלאים פן תקדש המלאה הזרע אשר תזרע ותבואת הכרם¹⁰ לא תחרש בשור ובחמר יחדו¹¹ לא תלבש שעטנו צמר ופשתים יחדו¹² גדלים תעשה לך על ארבע כנפות כסותך אשר תכסה בה¹³ כי יקח איש אשה ובא אליה ושנאה¹⁴ ושם לה עלילת דברים והוציא עליה שם רע ואמר את האשה הזאת לקחתי ואקרב אליה ולא מצאתי לה בתולים¹⁵ ולקח אבי **הנער** הנערה ואמה והוציאו את בתולי **הנער** הנערה אל זקני העיר השערה¹⁶ ואמר אבי **הנער** הנערה^{vQ} אל הזקנים את בתי נתתי לאיש הזה לאשה וישנאה¹⁷ והנה הוא שם עלילת דברים לאמר לא מצאתי לכתך בתולים ואלה בתולי בתי ופרשו השמלה לפני

Q Marks a place where we agree with BHQ against BHS in reading L.

p We read punctuation in L differently from BHS.

Q Marks a place where we agree with BHQ against BHS in reading L.

c We read one or more accents in L differently than BHS. Often this notation indicates a typographical error in BHS.

Q Marks a place where we agree with BHQ against BHS in reading L.

v We read one or more vowels in L differently from BHS.

אשר יולדו להם דור שלישי יבא להם בקהל יהוה ¹⁰ כי תצא מחנה על איביך ונשמרת מכל דבר רע ¹¹ כי יהיה בך איש אשר לא יהיה טהור מקרה לילה ויצא אל מחוץ למחנה לא יבא אל תוך המחנה ¹² והיה לפנות ערב ירחץ במים וכבא השמש יבא אל תוך המחנה ¹³ ויד תהיה לך מחוץ למחנה ויצאת שמה חוץ ¹⁴ ויתד תהיה לך על אזנך והיה בשבתך חוץ וחפרתה בה ושבת וכסית את צאתך ¹⁵ כי יהוה אלהיך מתהלך בקרב מחנך להצילך ולתת איביך לפניך והיה מחנך קדוש ולא יראה בך ערות דבר ושב מאחריך ¹⁶ לא תסגיר עבד אל אדניו אשר ינצל אליך מעם אדניו ¹⁷ עמד ישב בקרבך במקום אשר יבחר באחד שעריך בטוב לו לא תוננו ¹⁸ לא תהיה קדשה מבנות ישראל ולא יהיה קדש מבני ישראל ¹⁹ לא תביא אתנן זונה ומחיר כלב בית יהוה אלהיך לכל נדר כי תועבת יהוה אלהיך גם שניהם ²⁰ לא תשיך לאחיד נשך כסף נשך אכל נשך כל דבר אשר ישך ²¹ לנכרי תשיך ולאחיד לא תשיך למען יברכך יהוה אלהיך בכל משלח ידך על הארץ אשר אתה בא שמה לרשתה ²² כי תדר נדר ליהוה

דבר אין ^{לנער} לנערה חטא מות כי כאשר יקום איש על רעהו ורצחו נפש כן הדבר הזה ²⁷ כי בשדה מצאה צעקה ^{הנער} הנערה המארשה ואין מושיע לה ²⁸ כי ימצא איש ^{נער} נערה בתולה אשר לא ארשה ותפשה ושכב עמה ונמצאו ²⁹ ונתן האיש השכב עמה לאבי ^{הנער} הנערה חמשים כסף ולו תהיה לאשה תחת אשר ענה לא יוכל שלחה ^{pQ} כל ימיו

23 לא יקח איש את אשת אביו ולא יגלה כנף אביו ² לא יבא פצוע דכא וכרות שפכה בקהל יהוה ³ לא יבא ממזר בקהל יהוה גם דור עשירי לא יבא לו בקהל יהוה ⁴ לא יבא עמוני ומואבי בקהל יהוה גם דור עשירי לא יבא להם בקהל יהוה עד עולם ⁵ על דבר אשר לא קדמו אתכם בלחם ובמים בדרך בצאתכם ממצרים ואשר שכר עליך את בלעם בן בעור מפתור ארם נהרים לקללך ⁶ ולא אבה יהוה אלהיך לשמע אל בלעם ויהפך יהוה אלהיך לך את הקללה לברכה כי אהבך יהוה אלהיך ⁷ לא תדרש שלמם וטבתם כל ימך לעולם ⁸ לא תתעב אדמי כי אחיד הוא ⁹ לא תתעב מצרי כי גר היית בארצו ⁹ בנים

U We agree with both BHS 1997 and BHQ on an unexpected reading.

U We agree with both BHS 1997 and BHQ on an unexpected reading.

Q Marks a place where we agree with BHQ against BHS in reading L.

p We read punctuation in L differently from BHS.

והתעמר בו ומכרו ומת הגנב ההוא
 ובערת הרע מקרבך⁸ השמר בנגע
 הצרעת לשמר מאד ולעשות ככל אשר
 יורו אתכם הכהנים הלויים כאשר צויתם
 תשמרו לעשות ׀⁹ זכור את אשר
 עשה יהוה אלהיך למרים בדרך בצאתכם
 ממצרים ׀¹⁰ כי תשה ברעך^U משאת
 מאומה לא תבא אל ביתו לעבט
 עבטו¹¹ בחוץ תעמד והאיש אשר אתה
 נשה בו יוציא אליך את העבט
 החוצה¹² ואם איש עני הוא לא תשכב
 בעבטו¹³ השב תשיב לו את העבט כבא
 השמש ושכב בשלמתו וברכך ולך תהיה
 צדקה לפני יהוה אלהיך ׀¹⁴ לא
 תעשק שכיר עני ואביון מאחיד או מגרד
 אשר בארצך בשעריך¹⁵ ביומו תתן שכרו
 ולא תבוא עליו השמש כי עני הוא ואליו
 הוא נשא את נפשו ולא יקרא עליך אל
 יהוה והיה בך חטא ׀¹⁶ לא יומתו
 אבות על בנים ובנים לא יומתו על אבות
 איש^{kQ} בחטאו יומתו ׀¹⁷ לא תטה
 משפט גר יתום ולא תחבל בגד
 אלמנה¹⁸ וזכרת כי עבד היית במצרים
 ויפדך יהוה אלהיך משם על כן אנכי
 מצוץ לעשות את הדבר הזה ׀¹⁹ כי
 תקצר קצירך בשדך ושכחת עמר בשדה

אלהיך לא תאחר לשלמו כי דרש ידרשנו
 יהוה אלהיך מעמך והיה בך חטא²³ וכי
 תחדל לנדר לא יהיה בך חטא²⁴ מוצא
 שפתיך תשמר ועשית כאשר נדרת
 ליהוה אלהיך נדבה אשר דברת
 בפיו ׀²⁵ כי תבא בכרם רעך ואכלת
 ענבים כנפשך שבעך ואל כליך לא
 תתן ׀²⁶ כי תבא בקמת רעך וקטפת
 מלילת בידך וחרמש לא תניף על קמת
 רעך ׀

24 כי יקח איש אשה ובעלה והיה אם
 לא תמצא חן בעיניו כי מצא בה ערות
 דבר וכתב לה ספר כריתת ונתן בידה
 ושלחה מביתו² ויצאה² והלכה
 והיתה לאיש אחר³ ושנאה האיש
 האחרון וכתב לה ספר כריתת ונתן בידה
 ושלחה מביתו או כי ימות האיש האחרון
 אשר לקחה לו לאשה⁴ לא יוכל בעלה
 הראשון אשר שלחה לשוב לקחתה
 להיות לו לאשה אחרי אשר הטמאה כי
 תועבה הוא לפני יהוה ולא תחטיא את
 הארץ אשר יהוה אלהיך נתן לך
 נחלה ׀⁵ כי יקח איש אשה חדשה
 לא יצא בצבא ולא יעבר עליו לכל דבר
 נקי יהיה לביתו שנה אחת ושמח את
 אשתו אשר לקח ׀⁶ לא יחבל רחים
 ורכב כי נפש הוא חבל ׀⁷ כי ימצא
 איש גנב נפש מאחיו מבני ישראל

U We agree with both BHS 1997 and BHQ on an unexpected reading.

Q Marks a place where we agree with BHQ against BHS in reading L.

k We read one or more consonants in L differently from BHS.

מעל רגלו וירקה בפניו וענתה ואמרה
 ככה יעשה לאיש אשר לא יבנה את בית
 אחיו¹⁰ pQ ונקרא שמו בישראל בית חלוץ
 הנעל ם¹¹ כי ינצו אנשים יחדו איש
 ואחיו וקרבה אשת האחד להציל את
 אישה מיד מכהו ושלחה ידה והחזיקה
 במבשיו¹² וקצתה את כפה לא תחוס
 עינד ם¹³ לא יהיה לך בכיסך אבן
 ואבן גדולה וקטנה ם¹⁴ לא יהיה לך
 בביתך איפה ואיפה גדולה וקטנה¹⁵ אבן
 שלמה וצדק יהיה לך איפה שלמה וצדק
 יהיה לך למען יאריכו ימיד על האדמה
 אשר יהוה אלהיך נתן לך¹⁶ כי תועבת
 יהוה אלהיך כל עשה אלה כל עשה עול ף
¹⁷ זכור את אשר עשה לך עמלק בדרך
 בצאתכם ממצרים¹⁸ אשר קרך בדרך
 ויזנב בך כל הנחשלים אחריד^U ואתה
 עיף ויגע ולא ירא אלהים¹⁹ והיה בהניח
 יהוה אלהיך לך מכל איביך מסביב בארץ
 אשר יהוה אלהיך נתן לך נחלה לרשתה
 תמחה את זכר עמלק מתחת השמים לא
 תשכח ף

26 והיה כי תבוא אל הארץ אשר יהוה
 אלהיך נתן לך נחלה וירשתה וישבת

Q Marks a place where we agree with BHQ against BHS in reading L.

p We read punctuation in L differently from BHS.

U We agree with both BHS 1997 and BHQ on an unexpected reading.

לא תשוב לקחתו לגר ליתום ולאלמנה
 יהיה למען יברכך יהוה אלהיך בכל
 מעשה ידיך²⁰ כי תחבט זיתך לא תפאר
 אחריד לגר ליתום ולאלמנה
 יהיה ם²¹ כי תבצר כרמך לא תעולל
 אחריד לגר ליתום ולאלמנה
 יהיה²² וזכרת כי עבד היית בארץ מצרים
 על כן אנכי מצוך לעשות את הדבר
 הזה ם

25 כי יהיה ריב בין אנשים ונגשו אל
 המשפט ושפטום והצדיקו את הצדיק
 והרשיעו את הרשע² והיה אם בן הכות
 הרשע והפילו השפט והכהו לפניו כדי
 רשעתו במספר³ ארבעים יכנו לא יסיף
 פן יסיף להכתו על אלה מכה רבה ונקלה
 אחיד לעינד ם⁴ לא תחסם שור
 בדישו ם⁵ כי ישבו אחים יחדו ומת
 אחד מהם ובן אין לו לא תהיה אשת
 המת החוצה לאיש זר יבמה יבא עליה
 ולקחה לו לאשה ויבמה⁶ והיה הבכור
 אשר תלד יקום על שם אחיו המת ולא
 ימחה שמו מישראל⁷ ואם לא יחפץ
 האיש לקחת את יבמתו ועלתה יבמתו
 השערה אל הזקנים ואמרה מאין יבמי
 להקים לאחיו שם בישראל לא אבה
 יבמי⁸ וקראו לו זקני עירו ודברו אליו
 ועמד ואמר לא חפצתי לקחתה⁹ ונגשה
 יבמתו אליו לעיני הזקנים וחלצה נעלו

יהוה אלהיך בערתי הקדש מן הבית וגם נתתיו ללוי ולגר ליתום ולא למנה ככל מצותך אשר צויתני לא עברתי ממצותיך ולא שכחתי¹⁴ לא אכלתי באני ממנו ולא בערתי ממנו בטמא ולא נתתי ממנו למת שמעתי בקול יהוה אלהי עשיתי ככל אשר צויתני¹⁵ השקיפה ממעון קדשך מן השמים וברך את עמך את ישראל ואת האדמה אשר נתתה לנו כאשר נשבעת לאבתינו ארץ זבת חלב ודבש¹⁶ היום הזה יהוה אלהיך מצוץ לעשות את החקים האלה ואת המשפטים ושמרת ועשית אותם בכל לבבך ובכל נפשך¹⁷ את יהוה האמרת היום להיות לך לאלהים וללכת בדרכיו ולשמר חקיו ומצותיו ומשפטיו ולשמע בקלו¹⁸ ויהוה האמירך היום להיות לו לעם סגלה כאשר דבר לך ולשמר כל מצותיו¹⁹ ולתתך עליון על כל הגוים אשר עשה לתהלה ולשם ולתפארת ולהיתך עם קדש ליהוה אלהיך כאשר דבר²⁰

27 ויצו משה וזקני ישראל את העם לאמר שמר את כל המצוה אשר אנכי מצוה אתכם היום² והיה ביום אשר תעברו את הירדן אל הארץ אשר יהוה אלהיך נתן לך והקמת לך אבנים גדולות ושדת אתם בשיד³ וכתבת עליהן את כל דברי התורה הזאת בעברך למען אשר תבא אל הארץ אשר יהוה אלהיך נתן לך

בה² ולקחת מראשית כל פרי האדמה אשר תביא מארצך אשר יהוה אלהיך נתן לך ושמת בטנא והלכת אל המקום אשר יבחר יהוה אלהיך לשכן שמו שם³ ובאת אל הכהן אשר יהיה בימים ההם ואמרת אליו הגדתי היום ליהוה אלהיך כי באתי אל הארץ אשר נשבע יהוה לאבתינו לתת לנו⁴ ולקח הכהן הטנא מידך והניחו לפני מזבח יהוה אלהיך⁵ וענית ואמרת לפני יהוה אלהיך ארמי אבד אבי וירד מצרימה ויגר שם במתי מעט ויהי שם לגוי גדול עצום ורב⁶ וירעו אתנו המצרים ויענונו ויתנו עלינו עבדה קשה⁷ ונצעק אל יהוה אלהי אבתינו וישמע יהוה את קלנו וירא את ענינו ואת עמלנו ואת לחצנו⁸ ויוצאנו יהוה ממצרים ביד חזקה ובזרע נטויה ובמרא גדל ובאתות ובמפתים⁹ ויבאנו אל המקום הזה ויתן לנו את הארץ הזאת ארץ זבת חלב ודבש¹⁰ ועתה הנה הבאתי את ראשית פרי האדמה אשר נתתה לי יהוה והנחתו לפני יהוה אלהיך והשתחוית לפני יהוה אלהיך¹¹ ושמחת בכל הטוב אשר נתן לך יהוה אלהיך ולביתך אתה והלוי והגר אשר בקרבך¹² כי תכלה לעשר את כל מעשר תבואתך בשנה השלישת שנת המעשר ונתתה ללוי לגר ליתום ולא למנה ואכלו בשעריך ושבעו¹³ ואמרת לפני

ואמר כל העם אמן ¹⁷ ארור מסיג
 גבול רעהו ואמר כל העם
 אמן ¹⁸ ארור משגה עור בדרך
 ואמר כל העם אמן ¹⁹ ארור מטה
 משפט גר יתום ואלמנה ואמר כל העם
 אמן ²⁰ ארור שכב עם אשת אביו כי
 גלה כנף אביו ואמר כל העם
 אמן ²¹ ארור שכב עם כל בהמה
 ואמר כל העם אמן ²² ארור שכב
 עם אחתו בת אביו או בת אמו ואמר כל
 העם אמן ²³ ארור שכב עם חתנתו
 ואמר כל העם אמן ²⁴ ארור מכה
 רעהו בסתר ואמר כל העם
 אמן ²⁵ ארור לקח שחד להכות נפש
 דם נקי ואמר כל העם אמן ²⁶ ארור
 אשר לא יקים את דברי התורה הזאת
 לעשות אותם ואמר כל העם אמן פ

28 והיה אם שמוע תשמע בקול יהוה
 אלהיך לשמר לעשות את כל מצותיו
 אשר אנכי מצוך היום ונתנך יהוה אלהיך
 עליון על כל גויי הארץ ² ובאו עליך כל
 הברכות האלה והשיגך כי תשמע בקול
 יהוה אלהיך ³ ברוך אתה בעיר וברוך
 אתה בשדה ⁴ ברוך פרי בטנך ופרי
 אדמתך ופרי בהמתך שגר אלפיד
 ועשתרות צאנך ⁵ ברוך טנאך
 ומשארתיך ⁶ ברוך אתה בבאך וברוך

ארץ זבת חלב ודבש כאשר דבר יהוה
 אלהי אבתיך לך ⁴ והיה בעברכם את
 הירדן תקימו את האבנים האלה אשר
 אנכי מצוה אתכם היום בהר עיבל ושדת
 אותם בשיד ⁵ ובנית שם מזבח ליהוה
 אלהיך מזבח אבנים לא תניף עליהם
 ברזל ⁶ אבנים שלמות תבנה את מזבח
 יהוה אלהיך והעלית עליו עולת ליהוה
 אלהיך ⁷ זובחת שלמים ואכלת שם
 ושמחת לפני יהוה אלהיך ⁸ וכתבת על
 האבנים את כל דברי התורה הזאת באר
 היטב ⁹ וידבר משה והכהנים הלויים
 אל כל ישראל לאמר הסכת ושמע
 ישראל היום הזה נהיית לעם ליהוה
 אלהיך ¹⁰ ושמעת בקול יהוה אלהיך
 ועשית את מצותי ^Q ואת חקיו אשר אנכי
 מצוך היום ¹¹ ויצו משה את העם
 ביום ההוא לאמר ¹² אלה יעמדו לברך
 את העם על הר גרזים בעברכם את
 הירדן שמעון ולוי ויהודה ויששכר ויוסף
 ובנימן ¹³ ואלה יעמדו על הקללה בהר
 עיבל ראובן גד ואשר זבולן דן
 ונפתלי ¹⁴ וענו הלויים ואמרו אל כל איש
 ישראל קול רם ¹⁵ ארור האיש אשר
 יעשה פסל ומסכה תועבת יהוה מעשה
 ידי חרש ושם בסתר וענו כל העם ואמרו
 אמן ¹⁶ ארור מקלה אביו ואמו

Q Marks a place where we agree with BHQ against BHS in reading L.

q We have abandoned or added a ketib/qere relative to BHS. In doing this we agree with L against BHS.

והשיגוד¹⁶ ארור אתה בעיר וארור אתה בשדה¹⁷ ארור טנאך ומשאריתך¹⁸ ארור פרי בטנך ופרי אדמתך שגר אלפיך ועשתרות צאנך¹⁹ ארור אתה בבאך וארור אתה בצאתך²⁰ ישלח יהוה בך את המארה את המהומה ואת המגערת בכל משלח ידך אשר תעשה עד השמדך ועד אבדך מהר מפני רע מעלליך אשר עזבתני²¹ ידבק יהוה בך את הדבר עד כלתו אתך מעל האדמה אשר אתה בא שמה לרשתה²² יככה יהוה בשחפת ובקדחת ובדלקת ובחרחר ובחרב ובשדפון ובירקון ורדפוך עד אבדך²³ והיו שמך אשר על ראשך נחשת והארץ אשר תחתיך ברזל²⁴ יתן יהוה את מטר ארצך אבק ועפר מן השמים ירד עליך עד השמדך²⁵ יתנך^c יהוה נגף לפני איביך בדרך אחד תצא אליו ובשבעה דרכים תנוס לפניו והיית לזעוה לכל ממלכות הארץ²⁶ והייתה נבלתך למאכל לכל עוף השמים ולבהמת הארץ ואין מחריד²⁷ יככה יהוה בשחין מצרים ובעפלים ובטחרים ובגרב ובחרס אשר לא תוכל להרפא²⁸ יככה יהוה בשגעון ובעורון ובתמהון לבב²⁹ והיית ממשש בצהרים כאשר ימשש העור באפלה ולא תצליח את דרכיך והיית אך עשוק וגזול כל הימים ואין מושיע³⁰ אשה תארש

אתה בצאתך⁷ יתן יהוה את איביך הקמים עליך נגפים לפניך בדרך אחד יצאו אליך ובשבעה דרכים ינוסו לפניך⁸ יצו יהוה אתך את הברכה באסמך ובכל משלח ידך וברכך בארץ אשר יהוה אלהיך נתן לך⁹ יקימך^c יהוה לו לעם קדוש כאשר נשבע לך כי תשמר את מצות יהוה אלהיך והלכת בדרכיו¹⁰ וראו כל עמי הארץ כי שם יהוה נקרא עליך ויראו ממך¹¹ והותרך יהוה לטובה בפרי בטנך ובפרי בהמתך ובפרי אדמתך על האדמה אשר נשבע יהוה לאבתך לתת לך¹² יפתח יהוה לך את אוצרו הטוב את השמים לתת מטר ארצך בעתו ולברך את כל מעשה ידך והלוית גוים רבים ואתה לא תלוה¹³ ונתנך יהוה לראש ולא לזנב והיית רק למעלה ולא תהיה למטה כי תשמע אל מצות יהוה אלהיך אשר אנכי מצוך היום לשמר ולעשות¹⁴ ולא תסור מכל הדברים אשר אנכי מצוה אתכם היום ימין ושמאול ללכת אחרי אלהים אחרים לעבדם¹⁵ והיה אם לא תשמע בקול יהוה אלהיך לשמר לעשות את כל מצותיו וחקתיו אשר אנכי מצוך היום ובאו עליך כל הקללות האלה

C We read one or more accents in L differently from BHQ.

c We read one or more accents in L differently than BHS. Often this notation indicates a typographical error in BHS.

C We read one or more accents in L differently from BHQ.

לא תלוננו הוא יהיה לראש ואתה תהיה
 לזנב⁴⁵ ובאו עליך כל הקללות האלה
 ורדפוך והשיגוך עד השמדך כי לא
 שמעת בקול יהוה אלהיך לשמר מצותיו
 וחקתיו אשר צו⁴⁶ והיו בך לאות
 ולמופת ובזרעך עד עולם⁴⁷ תחת אשר
 לא עבדת את יהוה אלהיך בשמחה
 ובטוב לבב מרב כל⁴⁸ ועבדת את איביך
 אשר ישלחנו יהוה בך ברעב ובצמא
 ובעירם ובחסר כל ונתן על ברזל על
 צוארך עד השמידו אתך⁴⁹ ישא יהוה
 עליך גוי מרחוק מקצה הארץ כאשר
 ידאה הנשר גוי אשר לא תשמע
 לשנו⁵⁰ גוי עז פנים אשר לא ישא פנים
 לזקן ונער לא יחן⁵¹ ואכל פרי בהמתך
 ופרי אדמתך עד השמדך אשר לא ישאיר
 לך דגן תירוש ויצהר שגר אלפיך
 ועשתרת צאנך עד האבידו אתך⁵² והצר
 לך בכל שעריך עד רדת חמתך הגבהות
 והבצרות אשר אתה בטח בהן בכל
 ארצך והצר לך בכל שעריך בכל ארצך
 אשר נתן יהוה אלהיך לך⁵³ ואכלת פרי
 בטנך בשר בניך ובנתך אשר נתן לך
 יהוה אלהיך במצור ובמצוק אשר יציק
 לך איבך⁵⁴ האיש הרך בך והענג מאד
 תרע עינו באחיו ובאשת חיקו וביתר בניו
 אשר יותיר⁵⁵ מתת לאחד מהם מבשר
 בניו אשר יאכל מבלי השאיר לו כל
 במצור ובמצוק אשר יציק לך איבך בכל

ואיש אחר ישגלנה ישכבנה בית תבנה ולא
 תשב בו כרם תטע ולא תחללנו^{pQ}
³¹ שורך טבוח לעיניך ולא תאכל ממנו
 חמרך גזול מלפניך ולא ישוב לך צאנך
 נתנות לאיביך ואין לך מושיע³² בניך
 ובנתך נתנים לעם אחר ועיניך ראות
 וכלות אליהם כל היום ואין לאל
 ידך³³ פרי אדמתך וכל יגיעך יאכל עם
 אשר לא ידעת והיית רק עשוק ורצוץ כל
 הימים³⁴ והיית משגע ממראה עיניך אשר
 תראה³⁵ יככה יהוה בשחין רע על
 הברכים ועל השקים אשר לא תוכל
 להרפא מכף רגלך ועד קדקדך³⁶ יולך
 יהוה אתך ואת מלכך אשר תקים עליך
 אל גוי אשר לא ידעת אתה ואבתך
 ועבדת שם אלהים אחרים עץ
 ואבן³⁷ והיית לשמה למשל ולשנינה בכל
 העמים אשר ינהגך יהוה שמה³⁸ זרע רב
 תוציא השדה ומעט תאסף כי יחסלנו
 הארבה³⁹ כרמים תטע ועבדת ויין לא
 תשתה ולא תאגר כי תאכלנו
 התלעת⁴⁰ זיתים יהיו לך בכל גבולך ושמן
 לא תסוך כי ישל זיתך⁴¹ בנים ובנות
 תוליד ולא יהיו לך כי ילכו בשבי⁴² כל
 עצך ופרי אדמתך יירש הצלצל⁴³ הגר
 אשר בקרבך יעלה עליך מעלה מעלה
 ואתה תרד מטה מטה⁴⁴ הוא ילוך ואתה

Q Marks a place where we agree with BHQ against BHS in reading L.

p We read punctuation in L differently from BHS.

לילה ויומם ולא תאמין בחיידך⁶⁷ בבקר
 תאמר מי יתן ערב ובערב תאמר מי יתן
 בקר מפחד לבבך אשר תפחד וממראה
 עיניך אשר תראה⁶⁸ והשיבך^C יהוה
 מצרים באניות בדרך אשר אמרתי לך לא
 תסיף עוד לראתה והתמכרתם שם
 לאיביך לעבדים ולשפחות ואין
 קנה⁶⁹ אלה דברי הברית אשר צוה
 יהוה את משה לכרת את בני ישראל
 בארץ מואב מלבד הברית אשר כרת
 אתם בחרב פ

29 ויקרא משה אל כל ישראל ויאמר
 אלהם אתם ראיתם את כל אשר עשה
 יהוה לעיניכם בארץ מצרים לפרעה ולכל
 עבדיו ולכל ארצו² המסות הגדלת אשר
 ראו עיניך האתת והמפתים הגדלים
 ההם³ ולא נתן יהוה^C לכם לב לדעת
 ועינים לראות ואזנים לשמע עד היום
 הזה⁴ ואולך אתכם ארבעים שנה במדבר
 לא בלו שלמתיכם מעליכם ונעלך לא
 בלתה מעל רגלך⁵ לחם לא אכלתם ויין
 ושכר לא שתיתם למען תדעו כי אני יהוה
 אלהיכם⁶ ותבאו אל המקום הזה ויצא
 סיחן מלך חשבון ועוג מלך הבשן
 לקראתנו למלחמה ונכם⁷ ונקח את

שעריך⁵⁶ הרכה בך והענגה אשר לא
 נסתה כף רגלה הצג על הארץ מהתענג
 ומרך תרע עינה באיש חיקה ובבנה
 ובבתה⁵⁷ ובשליטה היוצת מבין רגליה
 ובבניה אשר תלד כי תאכלם בחסר כל
 בסתר במצור ובמצוק אשר יציק לך
 איבך בשעריך⁵⁸ אם לא תשמר לעשות
 את כל דברי התורה הזאת הכתובים
 בספר הזה ליראה את השם הנכבד
 והנורא הזה את יהוה אלהיך⁵⁹ והפלא
 יהוה את מכתך ואת מכות זרעך מכות
 גדלות ונאמנות וחלים רעים
 ונאמנים⁶⁰ והשיב בך את כל מדוה
 מצרים אשר יגרת מפניהם ודבקו
 בך⁶¹ גם כל חלי וכל מכה אשר לא כתוב
 בספר התורה הזאת יעלם יהוה עליך עד
 השמדך⁶² ונשארתם במתי מעט תחת
 אשר הייתם ככוכבי השמים לרב כי לא
 שמעת בקול יהוה אלהיך⁶³ והיה כאשר
 שש יהוה עליכם להיטיב אתכם ולהרבות
 אתכם כן ישיש יהוה עליכם להאביד
 אתכם ולהשמיד אתכם ונסחתם מעל
 האדמה אשר אתה בא שמה
 לרשתה⁶⁴ והפיצך יהוה בכל העמים
 מקצה הארץ ועד קצה הארץ ועבדת שם
 אלהים אחרים אשר לא ידעת אתה
 ואבתיך עץ ואבן⁶⁵ ובגוים ההם לא
 תרגיע ולא יהיה מנוח לכף רגלך ונתן
 יהוה לך שם לב רגז וכליון עינים ודאבון
 נפש⁶⁶ והיו חיידך תלאים לך מנגד ופחדת

C We read one or more accents in L differently from BHQ.

C We read one or more accents in L differently from BHQ.

הרוה את הצמאה¹⁹ לא יאבה יהוה סלח לו כי אז יעשן אף יהוה וקנאתו באיש ההוא ורבצה בו כל האלה הכתובה בספר הזה ומחה יהוה את שמו מתחת השמים²⁰ והבדילו יהוה לרעה מכל שבטי ישראל ככל אלות הברית הכתובה בספר התורה הזה²¹ ואמר הדור האחרון בניכם אשר יקומו מאחריכם והנכרי אשר יבא מארץ רחוקה וראו את מכות הארץ ההוא ואת תחלאיה אשר חלה יהוה בה²² גפרית ומלח שרפה כל ארצה לא תזרע ולא תצמח ולא יעלה בה כל עשב כמהפכת סדם ועמרה אדמה **וצביים** אשר הפך יהוה באפו ובחמתו²³ ואמרו כל הגוים על מה עשה יהוה ככה לארץ הזאת מה חרי האף הגדול הזה²⁴ ואמרו על אשר עזבו את ברית יהוה אלהי אבתם אשר כרת עמם בהוציאו אתם מארץ מצרים²⁵ וילכו ויעבדו אלהים אחרים וישתחוּ^U להם אלהים אשר לא ידעום ולא חלק להם²⁶ ויחר אף יהוה בארץ ההוא להביא עליה את כל הקללה הכתובה בספר הזה²⁷ ויתשם יהוה מעל אדמתם באף ובחמה ובקצף גדול וישלכם אל ארץ אחרת כיום הזה²⁸ הנסתרת ליהוה

ארצם ונתנה לנחלה לראובני ולגדי ולחצי שבט המנשי⁸ ושמרתם את דברי הברית הזאת ועשיתם אתם למען תשכילו את כל אשר תעשון⁹ אתם נצבים היום כלכם לפני יהוה אלהיכם ראשיכם שבטיכם זקניכם ושטריכם כל איש ישראל¹⁰ טפכם נשיכם וגרך אשר בקרב מחניך מחטב עציך עד שאב מימך¹¹ לעברך בברית יהוה אלהיך ובאלתו אשר יהוה אלהיך כרת עמך היום¹² למען הקים אתך היום לו לעם והוא יהיה לך לאלהים כאשר דבר לך וכאשר נשבע לאבתיך לאברהם ליצחק וליעקב¹³ ולא אתכם לבדכם אנכי כרת את הברית הזאת ואת האלה הזאת¹⁴ כי את אשר ישנו פה עמנו עמד היום לפני יהוה אלהינו ואת אשר איננו פה עמנו היום¹⁵ כי אתם ידעתם את אשר ישבנו בארץ מצרים ואת אשר עברנו בקרב הגוים אשר עברתם¹⁶ ותראו את שקוציהם ואת גלליהם עץ ואבן כסף וזהב אשר עמהם¹⁷ פן יש בכם איש או אשה או משפחה או שבט אשר לבבו פנה היום מעם יהוה אלהינו ללכת לעבד את אלהי הגוים ההם פן יש בכם שרש פרה ראש ולענה¹⁸ והיה בשמעו את דברי האלה הזאת והתברך בלבבו לאמר שלום יהיה לי כי בשררות לבי אלך למען ספות

U We agree with both BHS 1997 and BHQ on an unexpected reading.

בקול יהוה אלהיך לשמר מצותיו וחקתיו
 הכתובה בספר התורה הזה כי תשוב אל
 יהוה אלהיך בכל לבבך ובכל נפשך פ
¹¹ כי המצוה הזאת אשר אנכי מצוך היום
 לא נפלאה הוא ממך ולא רחקה
 הוא ¹² לא בשמים הוא לאמר מי יעלה
 לנו השמימה ויקחה לנו וישמענו אתה
 ונעשנה ¹³ ולא מעבר לים הוא לאמר מי
 יעבר לנו אל עבר הים ויקחה לנו
 וישמענו אתה ונעשנה ¹⁴ כי קרוב אליך
 הדבר מאד בפיך ובלבבך
 לעשותו ס ¹⁵ ראה נתתי לפניך היום
 את החיים ואת הטוב ואת המות ואת
 הרע ¹⁶ אשר אנכי מצוך היום לאהבה את
 יהוה אלהיך ללכת בדרכיו ולשמר מצותיו
 וחקתיו ומשפטיו וחיית ורבית וברכך
 יהוה אלהיך בארץ אשר אתה בא שמה
 לרשתה ¹⁷ ואם יפנה לבבך ולא תשמע
 ונדחת והשתחית לאלהים אחרים
 ועבדתם ¹⁸ הגדתי לכם היום כי אבד
 תאבדון לא תאריכון ימים על האדמה
 אשר אתה עבר את הירדן לבא ^U שמה
 לרשתה ¹⁹ העידתי בכס היום את השמים
 ואת הארץ החיים והמות נתתי לפניך
 הברכה והקללה ובחרת בחיים למען
 תחיה אתה וזרעך ²⁰ לאהבה את יהוה
 אלהיך לשמע בקלו ולדבקה בו כי הוא
 חייד וארך ימיד לשבת על האדמה אשר

אלהינו והנגלת לנו⁴ ולבנינו⁴ עד עולם
 לעשות את כל דברי התורה הזאת ס

30 והיה כי יבאו עליך כל הדברים
 האלה הברכה והקללה אשר נתתי לפניך
 והשבת אל לבבך בכל הגוים אשר
 הדיחך יהוה אלהיך שמה ² ושבת עד
 יהוה אלהיך ושמעת בקלו ככל אשר
 אנכי מצוך היום ובינך בכל לבבך
 ובכל נפשך ³ ושב יהוה אלהיך את
 שבותך ורחמך ושב וקבצך מכל העמים
 אשר הפיצך יהוה אלהיך שמה ⁴ אם יהיה
 נדחך בקצה השמים משם יקבצך יהוה
 אלהיך ומשם יקחך ⁵ והביאך יהוה אלהיך
 אל הארץ אשר ירשו אבותיך וירשתה
 והיטבך והרבך מאבתיך ⁶ ומל יהוה
 אלהיך את לבבך ואת לבב זרעך לאהבה
 את יהוה אלהיך בכל לבבך ובכל נפשך
 למען חייד ⁷ ונתן יהוה אלהיך את כל
 האלות האלה על איביך ועל שנאיך אשר
 רדפוך ⁸ ואתה תשוב ושמעת בקול יהוה
 ועשית את כל מצותיו אשר אנכי מצוך
 היום ⁹ והותירך יהוה אלהיך בכל מעשה
 ידך בפרי בטנך ובפרי בהמתך ובפרי
 אדמתך לטובה כי ישוב יהוה לשוש עליך
 לטוב כאשר שש על אבתיך ¹⁰ כי תשמע

4 Puncta extraordinaria -- a \u05c4 is used to mark such marks in the text when they are above the line and a \u05c5 when they are below the line.

4 Puncta extraordinaria -- a \u05c4 is used to mark such marks in the text when they are above the line and a \u05c5 when they are below the line.

U We agree with both BHS 1997 and BHQ on an unexpected reading.

הסכות¹¹ בבוא כל ישראל לראות את פני יהוה אלהיך במקום אשר יבחר תקרא את התורה הזאת נגד כל ישראל באזניהם¹² הקהל את העם האנשים והנשים והטף וגרך אשר בשעריך למען ישמעו ולמען ילמדו ויראו את יהוה אלהיכם ושמרו לעשות את כל דברי התורה הזאת¹³ ובניהם אשר לא ידעו ישמעו ולמדו ליראה את יהוה אלהיכם כל הימים אשר אתם חיים על האדמה אשר אתם עברים את הירדן שמה לרשתה פ

¹⁴ ויאמר יהוה אל משה הן קרבו ימיד למות קרא את יהושע והתיצבו באהל מועד ואצונו וילך משה ויהושע ויתיצבו באהל מועד¹⁵ וירא יהוה באהל בעמוד ענן ויעמד עמוד הענן על פתח האהל פ ¹⁶ ויאמר יהוה אל משה הנך שכב עם אבתיך וקם העם הזה וזנה אחרי אלהי נכר הארץ אשר הוא בא שמה בקרבו ועזבני והפר את בריתי אשר כרתי אתו¹⁷ וחרה אפי בו ביום ההוא ועזבתים והסתרתני פני מהם והיה לאכל ומצאהו רעות רבות וצרות ואמר ביום ההוא הלא על כי אין אלהי בקרבי מצאוני הרעות האלה¹⁸ ואנכי הסתר אסתיר פני ביום ההוא על כל הרעה אשר עשה כי פנה אל אלהים אחרים¹⁹ ועתה כתבו לכם את השירה הזאת ולמדה את בני ישראל שימה

נשבע יהוה לאבתיך לאברהם ליצחק וליעקב לתת להם פ

31 וילך משה וידבר את הדברים האלה אל כל ישראל² ויאמר אלהים בן מאה ועשרים שנה אנכי היום לא אוכל עוד לצאת ולבוא ויהוה אמר אלי לא תעבר את הירדן הזה³ יהוה אלהיך הוא עבר לפניך הוא ישמיד את הגוים האלה מלפניך וירשתם יהושע הוא עבר לפניך כאשר דבר יהוה⁴ ועשה יהוה להם כאשר עשה לסיחון ולעוג מלכי האמרי ולארצם אשר השמיד אתם⁵ ונתנם יהוה לפניכם ועשיתם להם ככל המצוה אשר צויתי אתכם⁶ חזקו ואמצו אל תיראו ואל תערצו מפניהם כי יהוה אלהיך הוא ההלך עמך לא ירפך ולא יעזבך פ ⁷ ויקרא משה ליהושע ויאמר אליו לעיני כל ישראל^U חזק ואמץ כי אתה תבוא את העם הזה אל הארץ אשר נשבע יהוה לאבתם לתת להם ואתה תנחילנה אותם⁸ ויהוה הוא ההלך לפניך הוא יהיה עמך לא ירפך ולא יעזבך לא תירא ולא תחת⁹ ויכתב משה את התורה הזאת ויתנה אל הכהנים בני לוי הנשאים את ארון ברית יהוה ואל כל זקני ישראל¹⁰ ויצו משה אותם לאמר מקץ שבע שנים במעד שנת השמטה בחג

U We agree with both BHS 1997 and BHQ on an unexpected reading.

מותי כי השחת תשחתון וסרתם מן הדרך אשר צויתי אתכם וקראת אתכם הרעה באחרית הימים כי תעשו את הרע בעיני יהוה להכעיסו במעשה ידיכם³⁰ וידבר משה באזני כל קהל ישראל את דברי השירה הזאת עד תמם פ

32 האזינו השמים ואדברה ותשמע הארץ אמרי פי² יערף כמטר לקחי תזל כטל אמרתי כשעירם עלי דשא וכרביבים עלי עשב³ כי שם יהוה אקרא הבו גדל לאלהינו⁴ הצור תמים פעלו כי כל דרכיו משפט אל אמונה ואין עול צדיק וישר הוא⁵ שחת לו לא בניו מומם דור עקש ופתלתל⁶ ה ליהוה תגמלו זאת עם נבל ולא חכם הלוא הוא אביך קנך הוא עשך ויכננך⁷ זכר ימות עולם בינו שנות דור ודור שאל אביך ויגדך זקניך ויאמרו לך⁸ בהנחל עליון גוים בהפרידו בני אדם יצב גבלת עמים למספר בני ישראל⁹ כי חלק יהוה עמו יעקב חבל נחלתו¹⁰ ימצאהו בארץ מדבר ובתהו ילל ישמן יסבבנהו יבוננהו יצרנהו כאישון עינו¹¹ כנשר יעיר קנו על גוזליו ירחף יפרש כנפיו יקחהו ישאהו על אברתו¹² יהוה בדד ינחנו ואין עמו אל נכר¹³ ירכבהו על **במותי** במתי^c ארץ ויאכל

בפיהם למען תהיה לי השירה הזאת לעד בבני ישראל²⁰ כי אביאנו אל האדמה אשר נשבעתי לאבתיו זבת חלב ודבש ואכל ושבע ודשן ופנה אל אלהים אחרים ועבדום ונאצוני והפר את בריתי²¹ והיה כי תמצאן אתו רעות רבות וצרות וענתה השירה הזאת לפניו לעד כי לא תשכח מפי זרעו כי ידעתי את יצרו אשר הוא עשה היום בטרם אביאנו אל הארץ אשר נשבעתי²² ויכתב משה את השירה הזאת ביום ההוא וילמדה את בני ישראל²³ ויצו את יהושע בן נון ויאמר חזק ואמץ כי אתה תביא את בני ישראל אל הארץ אשר נשבעתי להם ואנכי אהיה עמך²⁴ ויהי ככלות משה לכתב את דברי התורה הזאת על ספר עד תמם²⁵ ויצו משה את הלויים נשאי^c ארון ברית יהוה לאמר²⁶ לקח את ספר התורה הזה ושמתם אתו מצד ארון ברית יהוה אלהיכם והיה שם בך לעד²⁷ כי אנכי ידעתי את מריך ואת ערפך הקשה הן בעודני חי עמכם היום ממרים היתם עם יהוה ואף כי אחרי מותי²⁸ הקהילו אלי את כל זקני שבטיכם ושטריכם ואדברה באזניהם את הדברים האלה ואעידה בם את השמים ואת הארץ²⁹ כי ידעתי אחרי

C We read one or more accents in L differently from BHQ.

c We read one or more accents in L differently than BHS. Often this notation indicates a typographical error in BHS.

y Yathir readings in L which we have designated as

אלף ושנים יניסו רבבה אם לא כי צורם
מכרם ויהוה הסגירם ³¹ כי לא כצורנו
צורם ואיבינו פלילים ³² כי מגפן סדם
גפנם ומשדמת עמרה ענבמו ענבי רוש
אשכלת מררת למו ³³ חמת תנינם יינם
וראש פתנים אכזר ³⁴ הלא הוא כמס
עמדי חתם באוצרתי ³⁵ לי נקם ושלם
לעת תמוט רגלם כי קרוב יום אידם וחש
עתדת למו ³⁶ כי ידין יהוה עמו ועל עבדיו
יתנחם כי יראה כי אזלת יד ואפס עצור
ועזוב ³⁷ ואמר אי אלהימו צור חסיו
בו ³⁸ אשר חלב זבחימו יאכלו ישתו יין
נסיכם יקומו ויעזרכם יהי עליכם
סתרה ³⁹ ראו עתה כי אני אני הוא ואין
אלהים עמדי אני אמית ואחיה מחצתי
ואני ארפא ואין מידי מציל ⁴⁰ כי אשא אל
שמים ידי ואמרתי חי אנכי לעלם ⁴¹ אם
שנותי ברק חרבי ותאחז במשפט ידי
אשיב נקם לצרי ולמשנאי
אשלם ⁴² אשכיר חצי מדם וחרבי תאכל
בשר מדם חלל ושביה מראש פרעות
אויב ⁴³ הרנינו גוים עמו כי דם עבדיו
יקום ונקם ישיב לצריו וכפר אדמתו
עמו פ

⁴⁴ ויבא משה וידבר את כל דברי השירה
הזאת באזני העם הוא והושע בן
נון ⁴⁵ ויכל משה לדבר את כל הדברים
האלה אל כל ישראל ⁴⁶ ויאמר אלהם
שימו לבבכם לכל הדברים אשר אנכי

תנובת שדי וינקהו דבש מסלע ושמן
מחלמיש צור ¹⁴ חמאת בקר וחלב צאן
עם חלב כרים ואילים בני בשן ועתודים
עם חלב כליות חטה ודם ענב תשתה
חמר ¹⁵ וישמן ישרון ויבעט שמנת עבית
כשית ויטש אלוה עשהו וינבל צור
ישעתו ¹⁶ יקנאהו בזרים בתועבת
יכעיסהו ¹⁷ יזבחו לשדים לא אלה אלהים
לא ידעום חדשים מקרב באו לא שערום
אבתים ¹⁸ צור ילדך תשי ותשכח אל
מחללך ¹⁹ וירא יהוה וינאץ מכעס בניו
ובנתיו ²⁰ ויאמר אסתירה פני מהם אראה
מה אחריתם כי דור תהפכת המה בנים
לא אמן במ ²¹ הם קנאוני בלא אל כעסוני
בהבליהם ואני אקניאם בלא עם בגוי נבל
אכעיסם ²² כי אש קדחה באפי ותיקד עד
שאול תחתית ותאכל ארץ ויבלה ותלהט
מוסדי הרים ²³ אספה עלימו רעות חצי
אכלה במ ²⁴ מזי רעב ולחמי רשף וקטב
מרירי ושן בהמות אשלח במ עם חמת
זחלי עפר ²⁵ מחוץ תשכל חרב ומחדרים
אימה גם בחור גם בתולה יונק עם איש
שיבה ²⁶ אמרתי אפאיהם אשביתה
מאנוש זכרם ²⁷ לולי כעס אויב אגור פן
ינכרו צרימו פן יאמרו ידינו רמה ולא
יהוה פעל כל זאת ²⁸ כי גוי אבד עצות
המה ואין בהם תבונה ²⁹ לו חכמו ישכילו
זאת יבינו לאחריתם ³⁰ איכה ירדף אחד

Qeres when both Dothan and BHS list a Qere.

שבטי ישראל⁶ יחי ראובן ואל ימת ויהי מתיו מספר ם⁷ וזאת ליהודה ויאמר שמע יהוה קול יהודה ואל עמו תביאנו ידיו רב לו ועזר מצריו תהיה ם⁸ וללוי אמר תמיד ואוריד לאיש חסידך אשר נסיתו במסה תריבהו על מי מריבה⁹ האמר לאביו ולאמו לא ראיתיו ואת אחיו לא הכיר ואת **בני בניו** לא ידע כי שמרו אמרתך ובריתך ינצרו¹⁰ יורו משפטיך ליעקב ותורתך לישראל ישימו קטורה באפך וכליל על מזבחך¹¹ ברך יהוה חילו ופעל ידיו תרצה מחץ מתנים קמיו ומשנאיו מן יקומון ם¹² לבנימן אמר ידיד יהוה ישכן לבטח עליו חפף עליו כל היום ובין כתיפיו שכן ם¹³ וליוסף אמר מברכת יהוה ארצו ממגד שמים מטל ומתהום רבצת תחת¹⁴ וממגד תבואת שמש וממגד גרש ירחים¹⁵ ומראש הררי קדם וממגד גבעות עולם¹⁶ וממגד ארץ ומלאה ורצון שכני סנה תבואתה לראש יוסף ולקדקד נזיר אחיו¹⁷ בכור שורו הדר לו וקרני ראם קרניו בהם עמים ינגח יחדו אפסי ארץ והם רבבות אפרים והם אלפי מנשה ם¹⁸ ולזבולן אמר שמח זבולן בצאתך ויששכר באהליך¹⁹ עמים הר יקראו שם יזבחו זבחי צדק כי שפע ימים יינקו ושפוני טמוני חול ם²⁰ ולגד אמר ברוך מרחיב גד כלביא שכן וטרף זרוע

מעיד בכס היום אשר תצום את בניכם לשמר לעשות את כל דברי התורה הזאת⁴⁷ כי לא דבר רק הוא מכס כי הוא חייכם ובדבר הזה תאריכו ימים על האדמה אשר אתם עברים את הירדן שמה

⁴⁸ וידבר יהוה אל משה בעצם היום הזה לאמר⁴⁹ עלה אל הר העברים הזה הר נבו אשר בארץ מואב אשר על פני ירחו וראה את ארץ כנען אשר אני נתן לבני ישראל לאחזה⁵⁰ ומת בהר אשר אתה עלה שמה והאסף אל עמך כאשר מת אהרן אחיך בהר ההר ויאסף אל עמיו⁵¹ על אשר מעלתם בי בתוך בני ישראל במי מריבת קדש מדבר צן על אשר לא קדשתם אותי בתוך בני ישראל⁵² כי מנגד תראה את הארץ ושמה לא תבוא אל הארץ אשר אני נתן לבני ישראל ם

33 וזאת הברכה אשר ברך משה איש האלהים את בני ישראל לפני מותו² ויאמר יהוה מסיני בא וזרח משעיר למו הופיע מהר פארן ואתה מרבבת קדש מימינו **אשדת אש דת** למו³ אף חבב עמים כל קדשיו בידך והם תכו לרגלך ישא מדברתיך⁴ תורה צוה לנו משה מורשה קהלת יעקב⁵ ויהי בישרון מלך בהתאסף ראשי עם יחד

ליצחק וליעקב לאמר לזרעך אתננה
 הראיתיך בעיניך ושמה לא תעבר ⁵ וימת
 שם משה עבד יהוה בארץ מואב על פי
 יהוה ⁶ ויקבר אתו בגי בארץ מואב מול
 בית פעור ולא ידע איש את קברתו עד
 היום הזה ⁷ ומשה בן מאה ועשרים שנה
 במתו לא כהתה עינו ולא נס לחה ⁸ ויבכו
 בני ישראל את משה בערבת מואב
 שלשים יום ויתמו ימי בכי אבל
 משה ⁹ ויהושע בן נון מלא רוח חכמה כי
 סמך משה את ידיו עליו וישמעו אליו בני
 ישראל ויעשו כאשר צוה יהוה את
 משה ¹⁰ ולא קם נביא עוד בישראל
 כמשה אשר ידעו יהוה פנים אל
 פנים ¹¹ לכל האתות והמופתים אשר
 שלחו יהוה לעשות בארץ מצרים לפרעה
 ולכל עבדיו ולכל ארצו ¹² ולכל היד
 החזקה ולכל המורא הגדול אשר עשה
 משה לעיני כל ישראל

End of Deuteronomy

אף קדקד ²¹ וירא ראשית לו כי שם
 חלקת מחקק ספון ויתא ראשי עם צדקת
 יהוה עשה ומשפטיו עם
 ישראל ²² ולדן אמר דן גור אריה
 יזנק מן הבשן ²³ ולנפתלי אמר נפתלי
 שבע רצון ומלא ברכת יהוה ים ודרום
 ירשה ²⁴ ולאשר אמר ברוך מבנים
 אשר יהי רצוי אחיו וטבל בשמן
 רגלו ²⁵ ברזל ונחשת מנעליך וכימך
 דבאך ²⁶ אין כאל ישרון רכב שמים
 בעזרך ובגאותו שחקים ²⁷ מענה אלהי
 קדם ומתחת זרעת עולם ויגרש מפניך
 אויב ויאמר השמד ²⁸ וישכן ישראל בטח
 בדד עין יעקב אל ארץ דגן ותירוש אף
 שמיו יערפו ^{cP} טל ²⁹ אשריך ישראל מי
 כמוך עם נושע ביהוה מגן עזרך ואשר
 חרב גאותך ויכחשו איביך לך ואתה על
 במותימו תדרך ³⁰

34 ויעל משה מערבת מואב אל הר
 נבו ראש הפסגה אשר על פני ירחו
 ויראהו יהוה את כל הארץ את הגלעד
 עד דן ² ואת כל נפתלי ואת ארץ אפרים
 ומנשה ואת כל ארץ יהודה עד הים
 האחרון ³ ואת הנגב ואת הככר בקעת
 ירחו עיר התמרים עד צער ⁴ ויאמר יהוה
 אליו זאת הארץ אשר נשבעתי לאברהם

P We read the punctuation in L differently from BHQ.

c We read one or more accents in L differently than BHS. Often this notation indicates a typographical error in BHS.

The Westminster Leningrad Codex
Version 4.16

Deuteronomy

Attributed to:

Shemu'el ben Ya'akov
Aharon ben-Mosheh ben-Asher
ca 1008

Active maintenance of machine-readable version:

Stephen K. Salisbury, Editor
steve@grovescenter.org

Kirk E. Lowery, Senior editor
kirk@grovescenter.org

Transcription to Unicode/XML:

Christopher V. Kimball
transcriber@tanach.us

Edition:

Unicode/XML Westminster Leningrad Codex
<http://www.tanach.us/Tanach.xml>

Transcribed by WLC2XML of 6 Jun 2010 at 01 Jun 2012 @ 10:24.06. Build number:
23.0. Converted to ODT by XML2ODT.xml dated 22 Dec 2010 on 2012.06.01-10.26.
Build number: 23.0 . 43 pages. Layout: Full; Content: Consonants.

This document is in the public domain.